

PL  
1420  
F35  
1666  
v.18

1973







通雅卷之四十四

桐山方以智密之輯著

同里姚文燮經三較訂

植物 木

叢木灌木猶林檎也。蜀有檉柴。卽山海之機也。○方子謙曰：叢  
又音祖外切。灌木也。周續之說爾雅櫟采薪。注曰：樵薪。西征賦  
注：叢井者。麻蒸市也。叢音子外切。抽分簿有檉柴。雜柴。葛楷桿。  
藁草。或曰叢音祖外。乃雜柴二合也。智謂櫟攢叢。叢音子外切。同爲  
送氣齊齒。故相通轉。爰音子代切。今新安呼拚柴爲栽。去聲是其  
遺也。陸龜蒙樵詩：能諳白雲養。注去聲。山家謂柴地爲養。程大



昌言浙東作林檎字。老杜詩飽聞檉木三季大。爲致溪邊十畝陰。注蜀人以檉爲薪。東坡詩芋魁經尺誰能盡。檉木三季已足燒。虞文靖襍錄。成都樵業秧檉。平地遙干山。一季可樵。按說文樵音嚼取穀。或作樵樵。平聲散木也。山海經單狐之山。多機木。郭云機似榆。可燒以糞稻田。出蜀中。升菴曰卽檉。周益公檉薪贊。有水蠟樹。青蠟樹。不獨女貞放蠟也。○琴操言魯處女貞木作詩是也。故冬青名女貞。而有二種。自陳嘉謨以女貞爲蠟樹。而時珍因之。不知今江南北放蠟者。曰水蠟樹。常種之池塘堤上。根可固堤。又易生。冬落葉。非若冬青之不凋也。南楚城步。廣西徭中。皆於菁紉樹放蠟。不獨女貞。



萇楚鉤芑之芋桃。非今閩廣之芋桃也。○戴合溪嘗論萇楚絕非芋桃。以其所見五稜子也。五稜亦作五斂。稽含曰。南人呼稜爲斂。其狀如爪椎。五稜而凹甚深。稜甚狹。色青。閩廣蜜之爲珍果。范至能作五稜子。注詩者北人。豈得知之。今或書作陽桃。又有三廉子。廉亦稜也。爾雅萇楚鉤芑。注芋桃。一名鬼桃。莖大如指。似樹而弱如蔓。保昇景純云。花葉皆似桃子。細如棗核。東璧曰。葉大如掌。似芋而圍有毛。此又不一矣。獼猴桃。乃藤梨。東璧曰。閩人呼爲陽桃。是又一陽桃。

枕繫梅。山查也。○爾雅枕

卽繫

音梅

郭注子赤如指頭可食。東

璧曰。山查似楂。故名。蘇頌云。棠棣子。枕訛也。陳藏器曰。赤爪卽



鼠楸株也。智按今大者呼饒球。

胥餘卽楸枒。柳子也。仁頻楸柳。○史記上林賦。畱落胥餘。六臣作胥邪。平子賦用楸枒。郭璞曰。楸枒似枰欄。智以爲卽柳子。嵇含所稱越王頭也。楸柳稍長者曰大腹。李當之曰。一名賓門。相如賊仁頻。卽楸柳也。蒙荃謂日食楸柳。爲引斧自伐。蓋兩廣不烹茶。楸柳爲便。大家或用苦荬。上客乃煎茶。江淮飲茶。亦清利也。兩廣楸柳。以灰萎散之。然病用承氣湯。卽脫不治。又考六朝時。江東好此。豫章王嶷遺言。惟陳干飯楸柳。任昉毋嗜之。故終身不食。劉穆之以金枰盛楸柳。其來遠矣。北京勛戚子弟。無不袖楸柳包。食之。不知此風何自而起。羅浮山疏有小楸柳。一名



蒟子。六臣注選引仙藥錄曰：檳榔一名檳然。又馬檳榔訛爲馮金囊生。滇金齒沅江諸地蔓生結實紫色味甜不可當。比閭卽柝欄玉篇。研北雜志西溪叢語以檳爲蒲葵誤矣。○檳古作櫟一名鬣葵玉篇。檳一名蒲葵智咲其誤又閱陸友仁研北雜志蒲葵扇唐韵檳字注蒲葵也乃檳扇耳其誤更甚按孫恒曰檳櫟一名鬣葵此必宋人修玉篇而誤以鬣葵爲蒲葵耳。姚寬西溪叢語引李商隱詩何人書破蒲葵扇蒲葵棕櫚也商隱誤合二事用之愚者曰姚令威獨不自知其誤乎蒲葵爲扇從廣中來王導捉中宿令之蒲葵扇俗呼芭蕉扇似其大葉耳。蒲葵與檳皆蕉本而非一物蒲葵必生高雷而檳則江南北秦



蜀皆產。鄭渙仲則以薊王韋爲椶櫚。方言木細枝曰蓂。虎落三  
蓂。山多尖曰蓂。椶葉似之。王會篇。白州比閭蓋椶閭也。戎類有  
老。白。比。言其駢也。石鼓文。椶櫚庸庸。椶卽椶古文。容齊曰。甘泉  
并閭注。如淳曰。并閭葉隨時致。致平則平。致不平則傾。師古曰。  
如氏所說。自是平慮耳。孫皓時。薊菜生吳平家。東觀案圖名薊。  
爲平慮。唐景龍亦生苦薊菜。其非并閭明甚。任昉述異記。蓂園。  
在定陵。漢官儀曰。供染綠綬。小藍曰蓂。各字書無蓂。或蓂訛。  
甘蔗亦曰諸蔗。曰諸柘。或作𦵏𦵏。○曹子建有都蔗詩。六帖云。  
張協有都蔗賦。吳氏林下偶談曰。甘蔗亦謂之諸蔗。智按說文。  
諸。諸蔗也。箋曰。甘蔗一名甘諸。智以古無麻韻。遮與蔗音近。故



後人合諸遮稱之。相如賦諸柘巴且。諸柘卽蕉也。東方朔說南方有肝臙林。皆假作者臆造也。

巴且巴蕉也。○史記相如子虛賦。諸柘得且。漢書作諸蕉巴且。注萑且蘘荷也。東瑩曰蘘荷。一名覆苴。引說文作萑苴。上林作搏且。大招云。醯豚若狗。膾苴萑。王逸注曰苴萑。音搏。蘘荷也。孫愐作萑。音粕。曰萑苴。大蘘荷名。韵會芟之是也。崔豹曰。白曰蘘荷。紫曰萑苴。葉似蕉。根似薑。丹鉛錄曰。急就章注蘘荷。卽今甘露。智按二者迥別。蘘荷高五尺。幹葉似大高粱黍。闊二三寸。長尺餘。而巴蕉葉闊二尺。長五六尺。本高數丈。豈相類乎。蘘荷抽心紅紫。畧似紅蕉之蓓蕾。吾每咲古人說物未工。大都此類。此



子虛語。東璧引作上林。亦誤矣。班固改爲巴旦。卽是芭蕉確證。且相如旣用諸蔗。傳旦而又用芭薑蘘荷。一手所成。上呈天子。豈有重出者乎。此又一確證也。嵇聖賦曰。竹布實而根苦。蕉舒花而株稿。蜀人謂之天苴。陸佃曰。一葉舒則一葉蕉。巴亦蕉意也。嶺南冬不壞。高則結子。曹叔雅異物志曰。芭蕉結實。其皮赤如火。殆誤記。美人蕉之紅心邪。萬震謂蕉如芋。形容拙甚。顧玠近之。蕉子。蒸暴乾之最甘。猗啖蕉花。冬食其根。或績蕉皮爲布。今人曰甘露。古人或曰甘蕉。三輔黃圖載甘蕉三十。

南方奇木多。機蕉本曰柳子。曰枰欄。曰枸根。曰蒲葵。曰枕榔。曰檳榔。大腹曰莎麴。懷木曰海機。鳳尾蕉曰波羅密。曰古度樹。皆



椶蕉之類也。○枕柳。蒲葵。檳榔。椰子。最相似。結子歷年乃熟。懸之如瓔珞。椶木有麴如枕柳麴。其皮理亦肖之。如椶竹斑。升菴謂椶卽枕柳。非也。魏王花木志言都勾似柝櫚。木中出屑如麴。如枕柳。海椶卽海棗。一名無漏子。智按卽鳳尾蕉。多年高大者。葉心漏日不漏月。燒紅鐵釘之。則茂。因其辟火曰火蕉。嵇含云。交趾多所謂安期斗棗。按泰康五年。林邑獻海棗。雜俎言波斯棗如蕉。是也。吳都賦苦候切。柳綿杭。注異物志云。枸柳如柝櫚。出廣州。波羅直起無枝。古度子從皮出。亦是此類。輟耕錄言成都金果樹。刀剥青皮。蜜浸之。番人名爲苦魯麻棗。神異經言如何樹。核如棗。長尺。金刀割則飴。外國志阿丹有萬年棗。占城有



海棗。但神異經言三百歲作花。九百歲作實。爲誕耳。穆天子傳姑繇大木。山海經尋木千里。或千里成林。果一木蔭千里乎。槐不妨名玉樹。而甘泉所賦。則寶樹也。○國史異纂言雲陽界樹似槐而葉細。土人謂之玉樹。太冲誤譏子雲矣。三輔黃圖言甘泉谷北岸有槐。今謂玉樹。楊震關輔古語云。相傳此樹。卽子雲所賦。長安記云。宋人多是此說。惟程大昌曰。按漢武故事。得樂大。卽甘泉宮造甲乙帳。前庭植玉樹。簞珊瑚爲枝。以碧玉爲葉。花子或青或赤。悉以珠玉爲之。故顏師古注云。玉樹者。武帝集衆寶爲之。用供神也。

烏飯樹。一名楊桐。非沈括所謂南天燭也。○存中曰。本草南燭



艸人少識之。乃木也。多植于庭。莖如朔藿。有高節。廬山有盈丈者。葉畧似棟。至秋實赤如丹。智按俗所謂天竹也。東璧以南燭卽烏斂樹。今按別一種。更有烏斂艸。烏斂樹結子黑。可啖。南天燭結子赤。或老則有高節。或一類二種乎。楓樺烏柏皆可青精。廣或以榕。古今詩話曰。烏斂名楊桐。似小冬青。非楊櫨也。楊櫨名空疏。生籬間有莢。李當之以爲溲疏。登真隱訣曰。南天燭。世呼染叔。一名惟那木。一名後艸。一名猴菽。鄭樵注。遠麥云。是人  
家所植。南天竹。則指洛陽錦類。

羊柰卽胡頹子。刺瓊卽金櫻子。○智自沅靖苗中。出至洪江洞。口山間小兒采羊柰子。刺瓊。詢之。刺瓊卽金櫻子。開寶刺梨子。



又名山石榴。江北及黃漢曰糖確者也。其竿柰子。皮點如小棠梨。指大者。圓而橢。卽貞白所云胡頹子。雷斅所云雀兒酥。襄漢呼黃婆奶。劉績霏雪錄言安南之盧都子是也。此物止痢最驗。同伴病痢者皆食此而愈。後隱昭州平西山。山中有此而圓絕似棠梨。痢者食之亦愈。

植物 穀蔬

稌卽稻。○音相轉耳。或以稌卽穠。詩十月穫稻。今晚稻也。六月收者曰早稻。秬稻。占稻。七八月收者曰菊花秬。唐玄宗時揚州生穠稻。自生稻也。細名甚多。不可枚舉。自江淮以南田多三收。隋書婆登國有月熟之稻。一月一熟。一統志雷陽界稻。十一月



下種。揚雪耕耘。四月熟。智咲此語。雷州安得有雪邪。稻故爲通名。東璧專以糯爲稻。殆汎穫稻之注乎。晚稻未必盡是糯也。又引詩黍稷稻粱。禾麻菽麥。故以稻爲糯。而以禾爲稷耳。今詩本文作重穆。又內則曰。菽麥蕡稻黍粱稊。惟所欲。七者以稻與稊稱。稊爲糯。稻爲稷。稷卽秬。淵明種秬以取酒是也。有此確證。可以正本。艸之誤矣。七修類彙曰。宋眞宗聞占城稻早。求種分給。故作秬。曰粱者良也。米粒長大。皆稱粱。宜陸。故曰高粱。稻宜水。言其滔而濕也。黍稷稻粱麥爲五。加菽爲六。分二麥爲七。分二菽爲八。加麻爲九。皆舉大畧也。

糝卽稷。○呂覽陽山之糝。筆談曰。齊晉人謂卽積皆曰糝。乃其



上音也。本草又名糜子。大雅秬秠糜苽。皆黍屬。以色別之。丹黍謂之糜。音門。今河西人音糜。鄧潛谷曰。陶隱居生江南。已不識稷爲何米。穀稼尚不能明。况芝英乎。稷又本與粟通。尸諤言肅也。詩曰。旣齊旣稷。亦肅意。蓋秋氣也。穀秋成曰稷。百穀皆秋成。故粟又爲總名。

檠卽穀。乃檠也。○山海經石檠自生。冬夏播琴。升菴曰。今本誤改作穀。齊民要術所引可證。按當作檠。特與穀異。仝耳。字書分穀从禾。爲五穀。而穀从木。爲楮穀。古則一也。設聲升菴豈見要術訛刻之檠。以爲古字邪。荀子五檠蕃孰。已訛矣。函史檠作檠。皆此類也。



以導爲瑞禾者。誤也。○漢少府有導官。王導擇米穀。唐因之。志作導官。从禾。說文導。瑞禾也。引封禪書。導一莖六穗。故字林因之。誤久矣。按相如封禪書。導一莖六穗於庖。犧雙觝其抵之獸。犧猶言犧牲之也。與導皆虛字。若以導爲瑞禾。則何以對犧字乎。陳無功猶引瑞導爲奇。趙凡夫反謂漢書作導爲誤。豈不可笑也。

藭。湖麻。黑脂麻也。○章黼韻。藭卽巨勝。筆談古止有火麻。曰漢麻。張騫得油麻種來。故曰湖麻。智按九穀八穀皆有麻。素問卽以麻麥稷黍豆爲五穀。以麻爲首。豈漢以前中國麴糵熬菹實。但食火麻子乎。火麻子甚不可食。何以爲珍。當五穀之首乎。必



其時已有油麻。而張騫乃得八稜黑麻來耳。爾雅翼曰：巨勝，胡麻之黑者。宋嘉祐本草：太白油麻一條，可證也。仁宗注意修書，麻穀之間，必有稽察。存中亦曰：湖麻有八稜六稜者，當是中國本有四稜者耳。古人言枲卽麻，安知莫實非白油麻乎？若據今綱目，則枲爲雄麻，安得有實耶？青囊其苗也。巨勝言其大而勝也。今大同專有一種巨勝，大而黃色。廣雅曰：藤弘，別錄曰：鴻臚。公紹曰：苧藤，胡麻。杜寶拾遺曰：隋大業四年，改湖麻曰交麻。其曰穀麻，墳麻也。一作苧，但可爲繩。爾雅：蒹，苧。注：未詳。智疑是苧，疏之訛。

荅，小豆也。○說文：荅，小赤也。董仲舒注云：菽是大豆，有兩種，小



豆名號三四種。時珍以爲赤小豆。穆天子傳。黑水之阿。爰有埜麥。爰有答。僅答卽荅也。東觀漢記。閔仲叔。哈菽飲水。張氏解定小豆亦迂。

痺豆。豌豆也。佛豆。蠶豆也。○今人訛呼爲安豆。唐史有畢豆。崔實月令作躡豆。管子山戎荏菽。注云卽湖豆。謂豌豆與蠶豆。升菴引唐六典。有智豆。音彎。卽豌豆也。益部方物畧記。有佛豆。秋種春歛。卽蠶豆也。

蜂蠶。豇豆也。○廣雅指爲胡豆。誤矣。故孫愐因之。

痺豆。匾豆也。○或作藹。今謂蛾眉豆。凡夫曰扁豆。一名屢屢豆。螢豆。今所謂蠶豆也。○隋末子通攻江都。夏侯端采螢豆食之。



身之曰野豆也。魯刀切。陳留耆舊傳言赤菰以豎豆與桓牧焦弱侯曰野田小豆曰豎音勞。越絕書以穀豆分甲乙辛貨。

蕡麥野稷也。○容齋三筆曰劉禹錫再遊玄都觀詩序云惟兔葵蕡麥動搖春風。北史邢邵書國子無教授何異兔絲蕡麥。南箕北斗哉。爾雅蓰兔葵。蓰雀麥。郭注似葵葉小如藜。雀麥卽蕡麥。有毛。古歌曰田中兔絲何嘗可絡。道邊蕡麥何嘗可穫。見于太平御覽。上林賦箴析苞荔。張揖注曰析似蕡麥音斯。葉庭珪海錄碎事云兔葵苗如龍芮花白莖紫。蕡麥艸似麥亦曰雀麥。升菴不知爲何物。又引范文正所進江淮烏昧草當之。烏昧乃蕡也。又以烏麥爲蕡麥而烏麥乃蕎麥也。日華子以爲瞿麥則



誤視其字耳。智按野稷似麥。米細。尾毛。大于莠。荒季采食之。似稗稍長。卽𦎵麥也。北有種之者。五臺僧食之。云形長于麥。穆天子傳。爰有莖麥。卽𦎵麥也。內經曰阿師。韓雨公告余甚明。

稼子。乾絳也。○東坡曰。劉貢父戲謂黎錡爲黎稼子。一日聞市有唱是果。粥之者。吾謫海南。居有此。霜實壘壘。今湖北粵西多有之。高數尺。有刺。開花落瓣。則爲子。九月間紅熟。可生採食之。皆呼爲夢子。稼子也。彼汾沮洳。言采其莫。陸璣云莖大如箸。赤節。二三葉。似柳。厚而長。有毛刺。今人纔以取緒。味酸而滑。謂之酸迷子。如楮實而紅。冀州謂之乾絳。河汾謂之莫。埤雅曰乾絳。吳越呼爲苺子。一作茂子。按似柳則非。



古謂菜爲葵。晉以來曰菘。今謂之菜。○圖經曰。冬葵子。秋種。經冬。至春作子。性滑利。葉作菜茹。此外有蜀葵。爾雅蒹戎葵也。花五色。白者主咳癰。午日取花授手。亦去癰。黃者塗癰。小花者名錦葵。大莖小葉。紫黃色。吳人呼爲繁露。爾雅蒹戎葵繁露也。菟葵。若藜。有毛。啖之甚滑。爾雅蒹。兔葵也。亦名天葵。別有鳧葵。蒼菜也。荊葵。所謂苕芘茅也。大黃葵。獨花。心大如餅。向日葵也。鄧潛谷曰。葵十月種。五月初更種。總按諸葵。惟冬葵苗入菜。時珍以傾日葵作露葵。曰葵爲五菜之主。今不復食。故移入草部。如本草所說。葵有何味。而古人動言烹葵。自智論之。古人竟以葵爲呼菘菜。野菜之通稱耳。昔楚相振園葵。韓詩外傳。馬踐園葵。古



歌井上生旅葵。采葵待作羹。論衡曰調和葵韭。不必易牙。王維詩松下清齊折露葵。直謂菜也。苔名澤葵。藥名天葵。龍葵。苗中呼灰滌爲老葵。地英爲地葵。此非古通稱邪。菘亦爲菜之總名。周顒荅文惠太子曰。秋末晚菘。正今之白菜也。陶隱居云。菘子可作油。非油菜。薺薺稱菘乎。白曰白菘。牛肚菘。葉最大。紫菘。蘿蔔亦曰溫菘。芥曰芥菘。京口菘爲上。曰箭竿白。北京則黃芽菜。舊說北土將子種之。而變蕪菁。蘇頌汪機不知紫菘卽蘿蔔。而謂白菜變。誤矣。古今鄉談異耳。今無有呼菜爲菘者。故知古亦呼菜爲葵。或曰建昌呼奇菜者卽葵。性冷滑。

葵蘆葩卽蘿蔔。東璧無功作葵。音要誤矣。○舊說來爲麥。而羅



葡萄能服之。實音轉也。爾雅監本。葵蘆菹。本草綱目引作突庶物。異名疏作葵。音要誤矣。一名挾逮。以其狀也。紫菰苗也。南京有紫赤皮者。他處皆白。陝西邊上有一車載兩枚者。安慶志有山葵。則山葫苔也。朝生暮長二尺。中空味脆。大龍山。山山產之。或曰采者須天未明。徃日出則萎。或曰金谿出大蘆肥如斗。

蕪菁與萊菔全別。謂之諸葛菜。亦有二種。○蔓菁四時皆有。春食苗。夏食心。亦謂之蔓子。秋食莖。冬食根。河朔尤多。劉禹錫嘉話錄曰。諸葛亮所止。令兵士種蔓菁。蜀荆呼諸葛菜。爾雅須菹。蕪卽此。坊記疏。陳宋曰葑。方言。豐蕘。蔓菁也。齊魯謂之蕘。關西謂之蕪菁。趙魏謂之大芥。書曰包匭菁茅。孔安國曰。菁以爲菹。



茅以縮酒。周官菁苴鹿藿。鄭氏曰蔓菁。又名冥精。則葑也。須也。蕪菁也。蔓菁也。葑蕪也。蕘也。芥也。七者一物也。東璧曰。陳藏器謂飧無爲酸模。郭璞注須葑無。云似羊蹄而稍細。味酸可食。則掌禹錫以葑無爲蔓菁。誤矣。智按北京閉甕菜。卽蕪菁根也。唐韵曰。蘧蔓菁苗也。南京一種諸葛菜。春夏初紫花。食葉不食根。朱輔山溪蠻叢話曰。獠獠產馬王菜。味澀多刺。卽諸葛菜。皆非蔓菁。南都賦秋韭冬菁。注曰韭之華謂之菁。則又一菁也。葑蕪。或兩名之。

菰封卽菰葑。以葑爲蔓菁者。今當作蘧。○說文葑。葑蓂也。封平上去

三爾雅須葑蓂。葑根也。臺中黑者曰茭。鬱根相結而生。歲久浮



於水上。謂之菰葑。有苗莖者名菰蔣。結實卽彫胡米。西京雜記。太液池彫胡。紫籜綠節。中有子。卽菰米。淮南子大旱菰葑。今以葑。豐別之。葑田取名。詳地輿。

菰大者莫如瓜。○投瓜剖瓜。見于詩禮。秦故東陵瓜。笑始以味稱。謂之瓜果。茶瓜實邊饗客。爲其解渴也。廣志云。瓜以遼東廬江。燉煌之種爲美。故燉煌郡有瓜州。廬江今廬州。南康九江地。南康之瓜殊不佳。五代史載。胡嶠爲蕭翰掌書記。隨翰入魯中。契丹破回紇。因得西瓜。如中國冬瓜而味甘。近世葉子奇又謂。自元征西域。始得西瓜。豈誤以契丹作元邪。王麟洲謂。洪皓攜歸。神仙傳。青登瓜大如斗魁。玄表丹裏。似西瓜矣。魏劉楨瓜賦。



所云藍皮密理素臙丹瓢者此何物也豈本一物而西種特嘉  
乎月令所載王瓜生今以早熟條瓜有刺者呼之閩尚友云王  
瓜本生土中俗稱土豆張秋厓云有二種傳曰田中有瓜淹之  
爲菹菜瓜也小而白色曰銀瓜黃曰金瓜條而斑曰簪瓜微小  
色黃曰黃瓜架而垂生至尺餘者曰紡線絲瓜蔓蒂生者曰嘉  
瓜廣志載瓠瓜羊核瓜女臂瓜其類也有花類海棠而實大如  
桃者曰木瓜可治腳氣閩中生如葛曰土瓜一名落嶋瓜爾雅  
菲芴郭曰芴土瓜也瓠瓠也集韻亦作瓠詩疏近之瓜小如  
瓠音雹卽說文瓠也廣雅曰菰冬瓜也郭義恭廣志載瓜名詳  
矣瑤星以王瓜卽今黃瓜言瓜之最首出者曰王



果隋猶言果蘇也。○貨殖傳楚越之地，飯稻羹魚，果隋麻蛤，不待賈而足。張守節正義：隋音搖，果搖猶搖疊包果也。升菴引說文：橢，車笭中橢橢器也。爾雅：貝磧小而橢，狹長也。急就章注：橢，禿頗切，小桶也。以盛鹽豉。正義既謬，楊說甚支。按漢書作果蘇，可謂明證。蘇當是蘇，說文：在木曰果，在地曰蘇，即果切。玉篇：蔓生無核曰蘇。橢蘇音通，而隋从橢省，此易解也。今狹長之橢作橢从手。

莖卽藕，子虛之蘇，卽爾雅之皇守田也。○呂覽菜之美者有雲夢之莖，廣雅曰：似蕨生水中，字書藕似蕨生木，則一物也。子虛賦：葳蕤也。荔，汪蘇生水中，其花可食。孟康曰：禾似麥，文選：蘇



作薪。爾雅皇守田。郭云一名守氣。生廢田中。似蕪麥。如彫可食。本艸拾遺有茵艸。時珍綱目以爲守田。

迷陽。棘草也。○莊子楚狂歌迷陽。舊注曰亡陽。任獨也。胡明仲云。叢生修條。四時出穎。其皮多刺。春夏花繁。腹條可食。呼爲迷陽。故曰無傷吾行。無傷吾足。此見困學紀聞。元瑞言元美云。詞場尺寸地。迷陽罨足。余讀此而解。以蔡順傳之扶老。藤對之。朱子曰。薇亦謂之迷蕨。嗣宗謂卽明仲所云迷陽也。

薇。小巢菜也。○三秦記曰。夷齊食之。三季。顏色不異。成王誡之。不食而死。鄭樵曰。蕨。鼈。莽芽也。四皓食之而壽。夷齊食之而夭。漢仲愚矣。程子曰。夷齊不食周祿耳。采薇餓死。言菜食以沒世。



也。說文曰：薇似藿。詩之采薇，作于歲莫。至夏而剛也。公食大夫禮。鉶毛豕以薇。非爾雅薇垂水。元恪曰：薇，山菜，非垂水。廣志曰：薇葉似萍。本草有薇，有白薇，疑卽苦益菜。冬晚抽牙，至春柔美。夏而剛。宜毛豕。項安世曰：今之野豌豆也。蜀人謂之小巢菜。豌豆謂之大巢。子瞻曰：巢，元修嗜之。因名。元修菜，詩正義亦云：莖葉似小豆，蔓生。渙仲以薇爲金櫻芽。朱子以薇爲迷陽。演繁露曰：吾鄉呼薇爲苦遮。項安世戴侗則以爲大巢菜。藏器曰：巢菜，翹搖。卽爾雅之杜夫搖車也。蕨有蕨箕，很箕。蕨箕初如小兒拳，根粉可食。曰烏昧，亦曰烏稷。爾雅曰：蕨，鼈，紫其一名月爾。卽紫蕨也。月令廣義曰：薇，灰滌菜也。紅者佳，白曰蛇豕。有毒。宋嘉祐



本艸作灰藿。智按卽藜也。名曰獨掃。老可拄杖。盱眙馮應京分之極是。然可通稱也。白薇紫薇薔薇。

萊卽爾雅之釐也。○爾雅曰釐蔓華。說文曰萊蔓華。則萊卽釐矣。古萊音釐。韻會引草木疏曰萊藜也。葉可茹。兗州曰萊蒸。一名落帚。舊說萊爲夫須。乃臺也。按是灰滌菜。而蒿萊可通稱。

娘菜孟菜姐菜戢菜也。○強陽健行。生四明諸山。一名厄菜。冬夏常有。天台諺曰天台山上好。孟菜吃不老。會稽戢山以生戢菜名。說文曰菹菜也。今俗曰菹菜。魏王花木志言江淮有孟娘菜。并益肉食。或曰卽今之姜孟芽。二三月采。天台孟菜八九月亦可采食。



茶苦菜。非獨苦蕒也。○月令四月苦菜秀。夏月火炎味苦。感之而秀生北地。冬凋。江南冬不凋。苦蕒名芑。俗呼黃麥。生醃食。止洩。此鄧潛谷所分者也。今綱目合之。貝母。龍葵。敗醬。枸杞。苗皆有苦菜之名。馮嗣宗曰。爾雅有五種。惟一爲茶。詩用三焉。嚴坦叔論詳矣。陶貞白以茗爲苦菜。朱子以谷風之苦菜爲良耜之委葉茶蓼也。陸農師以苦菜茅莠是一物。則并合英茶矣。英茅花也。大顏以江南苦菜爲蕒。云卽龍葵。龍葵無殼。苦蕒子有殼。又相似而不同！

薦子。葭菜。卽雞雍莖也。○芑。食莊子名雞雍。管子名卵菱。方言云。芑子莖謂之薦。音亦曰葭。音薦。一名水流黃。俗名雞頭盤花。



下結實。嫩莖名薦。南方艸木狀。所言綽菜。夏生池沼。葉類茨  
菰。根如藕條。食之思睡。呼爲瞋菜。管子地員曰。其種雁膳。卽雞  
頭。亦名雁喙。鴻頭退之詩。鴻頭刺芡實。夾漈以鉤芡。卽雞頭。  
藿。猶苗也。鹿藿。藿香。各以爲名。○白駒詩曰。食我場藿。毛氏曰。  
藿。猶苗也。公會大夫禮。鉶。毛牛藿。康成曰。豆葉也。漢書曰。山有  
猛獸。藜藿爲之不采。爾雅曰。藿。鹿藿。其實菹。郭氏菹。鹿豆也。蔓  
生。葉似大豆。根黃而香。本草曰。苗似豌豆。則以鹿豆爲菹豆者。  
誤矣。又藥名藿香。說文又以藿爲鹿藿。一曰藟屬。徐鍇曰。說文  
誤以藿爲鹿藿。合論之。藿乃苞聲。苒子皆名藿。葛一名鹿藿。白  
葛曰白兔藿。乃知藿者。苗之總名也。藿。虛郭切本音綏。今讀壑。



菱荒菱。○息遺切。漢成賦曰：函菱荇以俟風。又作菱。孟康曰：菱，華中齊也。智按：言花須也。別作菱，菱荇。說文：菱，薑屬，可以香口。胡菱實，頗類華菱而香，卽今之荒菱也。

菠稜，本作頗稜。○劉賓客嘉話曰：菠稜菜，自西方僧將來。韋絢以爲頗稜國，訛爲波，其根赤，又名赤根菜。

觚蘆，菰蘆也。○子虛賦：蓮藕觚蘆。注：扈魯也。智以觚蘆卽菰蘆。今史記本作菰蘆矣。言菰菱蘆筍皆可食者也。孔明曰：東吳菰蘆中乃有此人。言菰蒲蘆葦閒也。扈魯則壺蘆矣。古人壺匏觚皆通。南史文伯璠：觚，扁鵲鏡經：觚，觚瓢也。陶隱居作觚瓢，長柄爲懸觚。故今人呼茶酒瓢爲懸觚。音轉蒲蘆，今卽以藥壺蘆。



爲蒲盧。蒲盧，土蜂也。其腰約，故象之。陳善捫虱新話亦以匏瓠盧蒲盧爲一類。成式續集僭產瓠，可愛石餘。

火祿，胡蒜也。○夏小正十二月納火祿，火音殼。戴氏曰：祿本如卵。南方有沙蒜，直翁曰：小蒜根名薺子，卵薺音近，可證。古今注十許子：擗幕之名爲胡祿。宋元時以銀蒜押簾，正象之也。蘇頌言褚澄以蘇泊李道食鷄子病，時珍曰：乃蒜，非蘇也。

薺，百合也。○玉篇以薺爲百合，蒜一名蒜腦，諸別錄一名摩羅。吳晉一名中庭，一名強瞿。陶曰：強仇之轉也。凡物旁生謂之瞿。義出韓詩外傳。智按：陸佃曰：生于兩旁謂之瞿，異名疏引通志。川強瞿，山丹也。此別是一物，卽如番煎、檉乳、松淚、地黃等，并血



名曰質汗。而益母亦名土質汗。信州有竿。亦名茆質汗。強瞿或此類也。南都賦諸蔗薑藟。六臣注小蒜也。不知其爲百合。麻子大者。海東來者也。○麻子有大如蓮實。出海東屯羅島。其次上郡北地所出。亦大如大豆。正如雲南之梧桐子。長橢如豆也。

崖蜜。石櫻桃也。○鬼谷子櫻桃一名崖蜜。爾雅楔荆桃。孫炎注卽今櫻桃。按說文曰鬻桃。禮薦含桃。卽鬻所含也。東坡橄欖詩曰。待得餘甘回齒頰。已輸崖蜜十分甜。餘甘。橄欖也。鼠璞云。讀南海志。崖蜜子殼薄味甘。雖不知與櫻桃爲一物。要其類也。太平廣記以崖蜜爲石櫻桃。趙與峕以崖蜜爲蜜。物有名同者。程



大昌以石蜜爲糖霜。崖蜜爲野蜂蜜。糖霜則今之冰糖粉也。鹿藥卽延壽果也。○開寶本草有鹿藥。甘溫似黃精。鹿食其根。胡洽言鹿食九種解毒之艸。此其一也。或云卽是萎蕤。今北京嘗食延壽果。一名鹿跑艸。言鹿好淫。旣憊而仆。群牝鹿啣此根與食之。卽復起。其味甘而微澁。比黃精細長。于司直曰鹿藥。鳧茨。或作符訾。○劉玄傳人掘鳧茨而食。注續漢書作符訾。今曰蒲薺。或曰勃薺。江北人曰土栗。

凡艸木之苗皆可茹也。先辯其味而已。○入口平淡酸者無不可食。其辛辣者以礬水浸之亦可食。苦者置之可也。又按花木考言點蒼山有高河菜。萊州之龍鬚菜。嵇含所言緝菜。優殿菜。



廣州之雞侯菜。東坡之藤葉。卽今之滑菜也。考亭之焯菜。卽解菜也。建或山澗。亦有罕菜可食。扈累尚能食菁柏光花。况薛令之之苜蓿乎。卽如今江南北之所謂破破衲。絲蕎蕎。枝蕎蕎。野落籬。油灼灼。猪殃殃。諸蒿。諸根。諸樹頭。諸花瓣。諸藥草苗。皆足茹也。特人不能識。或俗各異名耳。



通雅卷之四十五

桐山方以智密之輯著

同里姚文燮經三校訂

動物

鳥

鵬卽鳳訛爲鵬。○說文鳳古文鳳象形。𩇑亦古文。蓋鳳飛群鳥從以萬數。故借爲鵬黨。今朋字橫斜。非二月字。因𩇑也。戴侗謂崩弼棚鬚輞皆諧朋。而無鳳聲。夫安知鳳風从凡。縫唇轉爲關唇乎。伽樓羅金翅大鵬鳥亦逍遙怒飛之鵬耳。彪注莊曰。鵬者鳳也。董道跋鳳鐘言古文鳳。但画鳳尾小篆轉以爲朋。智又按齊侯罍鐘與鈇鐫鐘皆有造而朋剝篆皆作𩇑。此則稍變者。魏



吳曰鵬从二貝而古或借朋耳。鵬又訛爲鳴。九歎曰從玄鶴與  
鷦鷯。法言曰鷦鷯遊集上林賦掩焦明難蜀文鷦鷯已翔寥廓。  
韓愈詩啄塲翹祥鷽指鳳明矣。好事者五方名之。建武中大鳥  
集東郡。五采備。沈約曰焦鷽至水之感也。東方曰發明。南方曰  
焦明。西方曰鷽鷽。北方曰幽昌。中央曰鳳皇。郁離子曰南方鳥  
曰昭明。五采性好亂。蔡衡曰赤多者鳳。青多者鸞。黃多者鵷。紫  
多者鸞鷽。白多者鷽鷽。相如賦前長離而後裔皇。此中央雌雄  
二鳳也。或曰長離謂禽之長。古禽離字通。元命包曰火離爲鳳。  
韓詩外傳天老曰雄鳴曰節節雌鳴曰足足。行鳴曰歸嬉。止鳴  
曰提扶。夜鳴曰善哉。晨鳴曰賀世。飛鳴曰郎都。知我者惟黃持



竹實來。六象九苞。詞人附會。又曰瑞鷟。言百鳥見之偃伏也。南方鶉首火尾。因以赤鳳曰鶉。此緣朱雀義耳。羅存齋爾雅翼曰。南恩州百甘山有鳳皇巢。水經注益州葉榆縣有弔鳥山。鳳死於此。眾鳥來吊。蔡條曰。博白淥含村有鳳皇智。近聞雲貴中有眾鳥攢飛護一大鳥之事。

鳳皇臺。鳳所棲之下。掘土有白物如石也。○藏器曰。恐是麟鳳洲有之。如漢時所貢續絃膠。鳳髓造成者。曷足怪哉。口覽曰。丹山之南有鳳鳥之卵。沃民所食。又安知非此卵。山海經有鳳丸山。升菴曰。卽鳳卵。

鵠卽鶴。本作霍。或作鸛鵠。其通爲鵠者。非也。○埤雅本艸皆分



釋雀鵠。然鵠鵠一聲之轉。古書互用。詩從子于鵠。音鵠。叶白石。皓皓。淳于髡獻鵠于楚。舊注卽雀。後漢吳良傳贊。大儀鵠髮。注。白髮卽鵠髮。應休連與岑文瑜書。泥人鵠大於闕里。曹植表。實懷鵠大企佇之心。卽鵠大。劉孝標辯命論。龜鵠千歲。卽龜鵠。法書要錄。鵠頭書。一作鵠頭書。嵇康琴賦。下逮謠俗。蔡氏五曲。王昭楚妃。千里別鵠。音鵠。與曲叶。漢書黃鵠下建章宮大液池中。作歌名黃鵠。又別鵠操云。雄鵠雌鵠。則知鵠卽鵠矣。庚桑楚篇。伏鵠。古鵠字。今或昌黃鵠樓下。曰黃鵠磯。此確證也。古稱鴻鵠。舉其大者。顏師古曰。鵠水鳥。其聲鵠鵠。康成解正鵠之鵠。爲小鳥難中。此皆臆說。蓋鵠能遠舉。射者視小如大耳。鵠皆卵生。亦



作鵠亦作鶴。一曰獨春。北山移文。蕙帳空兮夜鵠怨。漢李僊晉  
食貨志。作李僊。揚摧或作揚摧。則知霍霍通矣。郝楚望引藝文  
志。鵠冠子注。以鶴羽爲冠。楊修書對鵠而辭作。卽鶴。此乃字訛。  
鵠鬪死之鳥。取爲戎冠。與鶴豈可混乎。時珍以鵠大于雁。卽遠  
之天鵠。畏海青鵠。容或同名。然古人霍鵠一聲。

雉頰髀耳。鶴相也。鶴又謂之陰羽。○博物志。鶴雉

枯回切。頰髀音宅。

耳。響則聽遠。眼赤則眎遠。大毛落。叢毛生。其色如雪。百六十季  
不食生物。千六百季形定。飲而不食。與鳳爲群。神言之耳。俞琰  
曰。龜霍運任脈。故壽。喜降真香。糞能化石。稗海作雉刺髀耳。王  
會篇。張赤帶陰羽。注。陰。鶴也。相鶴經曰。鶴陽鳥而游于陰。禽經



曰鶴愛陰。易鳴鶴在陰。故以陰爲鶴。鶴可作鸛。而焦弱侯引易。鳴鸛在陰。且曰鸛惡陽。故从雨。鸞惡露。故去雨。此說支矣。顏元孫干祿書。以鸛爲俗。而指南復作鸛字。

催歸杜宇。杜鵑。子鵑。秭歸。謝豹。皆怨鳥。子規也。以鵲鳩音題主。作子規者。因顏師古注揚雄賦而誤也。其以周鸞子鵲爲子規者。因說文誤讀爾雅而誤也。○禽經曰。歐越曰怨鳥。鄧潛谷專名子規。藏器引蜀王本紀曰。蜀王望帝。淫其相臣鼈靈妻。亡去。一說以慙死化爲子鵲鳥。一說杜宇稱帝。化鳥。故稱杜宇。揚雄傳注。鵲鳩一名買銳。韋音卽秭歸。按常璩曰。杜宇稱帝。會有水災。其相開明。沒玉壘山以除害。帝遂委以政事。升西山隱焉。時適



二月子鵲鳥鳴。故蜀人聞鵲。輒悲思之。按蜀志。字悅朱提梁女。以爲妃。移治郫。或瞿上。七國稱王。杜宇曰望帝。夏名蒲卑。相開明除水害。帝遂禪授而隱。蓋亦因取女事而訛。據此。則鵲非帝化。君臣皆賢。可爲望帝白冤矣。陸務觀曰。吳人謂杜宇爲謝豹。當啼時。漁人賣蝦。曰謝豹蝦。荀曰。謝豹。荀。唐顧況送張衛尉詩云。綠樹村中謝豹啼。其謂謝豹爲蟲者。此蟲以謝豹鳴時腦裂也。楊雄賦有鵲鵲。乃鵲也。師古注。是子規。因舊近規。而稱子鵲。依說文作周𪔐。因子規作秭歸。故無功東璧因之。舊周鸞許下。升菴弱侯引華陽國志作秭歸。因漢碑有用鵲者。隨筆而訛。退之用喚起催歸。一鳥名作詩。



𪔐周也。𪔐𪔐也。乙也。別三名也。○說文曰：𪔐周，𪔐也。戶圭切。从  
山，象其冠也。同聲。別作規。雉。爾雅本文曰：𪔐周，𪔐𪔐。乙。陸璣曰：  
𪔐周，子規也。𪔐𪔐則乙也。說文失爾雅之句讀，誤以周𪔐釋𪔐。  
智又按：孫炎曰：爾雅別三名也。曰𪔐𪔐者，古人重言之。如漢成  
帝時謠曰：𪔐𪔐尾涎涎。詩：𪔐𪔐于飛，是也。乙又作𪔐。郭氏音烏。  
拔反。故黃氏分爲二字。此不必矣。𪔐周，或是𪔐名。陸元恪何據。  
而以爲子規。倘因規𪔐音近乎，後人因陸璣之解，則不當從許。  
慎之句讀，而復用其所說周𪔐爲子規矣。漢晉切法尚粗，讀𪔐  
如規，故復作子𪔐。而又訛書作𪔐𪔐，則音翦。故子美用子𪔐作  
仄聲讀。古人名物多通，不必專泥。然周𪔐𪔐𪔐相沿兩借之誤。



明矣。燕因乙音轉意兒。故莊子有鷦鷯。又按呂覽曰：肉之美者，有鷽燕之翠，無功引高誘曰：鳥名翠煉。考高誘注呂覽無此語。今本作雋。凡鳥之尾皆曰翠，故俗作睟字。據雋燕而論，雋周非燕名乎？南部新書曰：龍畏蠟，愛竹，及空青，嗜燒燕，食燕肉人不可渡海，則燕有食者矣。不聞有食子規者，俟證。夾漈註爾雅曰：雋周，蜀雋州多子規，乃望帝所化。燕燕則乙也。乃釋燕燕于飛之詩，智按越雋。今之播貴以南，此亦一解。至曰望帝所化，乃齊東語耳，可爲證乎？凡鳥之岐尾者曰雋，卽雋字，亦尾肉也。問門皆象形，觜宿曰觜，觜言前一星似喙，觜言二星岐似觜尾也。佩觿者謂其尾尖也。周周之鳥，啣羽，愛其尾也。爾雅蓋曰：雋



者周也。燕燕者乙也。說文：鴝，水鴝也。凡夫以燕爲社鴝，則以鴝爲燕類，拘矣。智按：七修類藁以燕本水鳥，故稱玄鳥而終入水，人入水者勿食燕，此或一理也。孟奇旣不知周燕之原流，而又引義山望帝春心託杜鵑之句，爲杜工部訛誤，更甚。

唐屠鶯，卽阿濫堆也。○阿濫堆，驪山鳥也。明皇采其聲爲曲。李白詩：羌笛橫吹阿鞞迴，卽阿濫堆也。玉篇：唐屠鶯，音叫，似鳥。酉陽雜俎曰：此鳥色黃，一變爲青鶯，而帶灰色。鶯轉之後，乃至累變，橫理轉細，臆前微微漸白。又曰：白唐，唐者黑色也。謂斑上有黑色，一變爲青，白鶯升菴作鸚鵡爛堆。行義則以羅鶯至中秋後，謂之白唐。



青佳。卽黃褐侯。斑佳所化也。鵠鵠。布穀也。鶯鳩。阿鵠也。○庶物  
異名疏曰。斑鳩春分化爲黃褐侯。埤雅云。鶯大如斑鳩。所鳴其  
民有禍。一名黃禍侯。俗呼車載版。草木疏。賈生所賦鵠也。此條  
誤甚。車載版。乃惡梟也。本艸曰。斑鳩春化爲黃褐侯。秋分化爲  
斑鵠。黃鶯侯。青鵠也。佳本音錐。本艸作鵠。複矣。黃褐。言其色也。  
埤雅竟作禍字。無功又附會之邪。小鳩皆曰佳。曰夫不。或曰鵠。  
曰荆鳩。楚鳩。皆是也。鳩之子曰鵠鳩。曰役鳩。曰糠鳩。曰卽皋。曰  
辟皋。以其文則曰錦鳩。五鳩以祝鳩性壹而孝。故爲司徒祝噎。  
養老意也。尸鳩性壹而慈。故合之。有尸祝之號。睢鳩司馬。則鶯  
也。鵠司寇。則鷹也。鵠司事。則鶯鵠。短尾。青黑。春來冬去。備四時



之事也。鳴鳩卽布穀。所謂郭公也。化鷦者卽此鷽鷽。一曰鷽鷽。雜俎曰阿鷽。其羽藍縷。亦曰鷽鷽。好食桑椹。方言以鳴爲戴勝。邢氏已辯其非。又云或謂之鷽鷽。此卽釋鳥所云鷽鷽。虞非鷽鷽也。則其他鷽鷽服鷽諸名。益誤矣。馮嗣宗曰。鷽鷽飛翔不遠。而說文謂鳴鷽迅羽入雲中。以莊子證之。許說誤也。說文旣鋪鋪也。徐鉉云鋪鷽鳥名。智按卽鷽鷽也。俗訛呼鷽姑子。因說文足詳爾雅鋪鷽其鼓之訛乎。

伯鷽。伯勞。伯趙。鷽鷽。姑惡。苦吻鳥也。○夏小正作伯鷽。詩疏作博勞。郭璞注爾雅曰。鷽似鷽鷽而大。服虔云鷽鷽音轄乾。白項鷽也。則誤矣。張華曰。伯勞形似鷽鷽。鷽鷽喙黃。伯勞喙黑。許慎



曰鸚鵡似鵲有嘖。王充言博勞食蛇曹植言血可昏金其聲鵲  
鵲反騷改商騷作鵲鵲故顏子籀以鵲爲子規王逸注楚辭謂  
鵲爲巧婦方言謂鵲爲鵲且陳正敏遜齋閒覽謂鵲爲梟李肇  
謂鵲爲布穀丹鉛錄謂鵲爲鴛鴦鵲鵲張許則似百舌郭說則  
似苦鳥鵲單栖鳴則蛇結而百舌不能制蛇他說益遠要當以  
郭說爲正則今之苦吻子也如鵲黑色以四月鳴曰若若又名  
姑惡俗以婦被姑苦死而化今東坡自注姑惡詩曰水鳥也亦  
誤矣古今諺鄭志道諺俗編云伯勞食母代代相成此則曰遜  
齋謂鵲爲梟伯勞寃哉伯趙卽伯勞之聲古語相近而訛  
升菴引李邵楚雀卽布穀以釋黃鸝甚于伯厚之疑搏黍矣○



元瑞言王伯厚不知搏黍爲黎黃彼猶疑之也升菴引詩注倉庚商庚也卽黃鸝也李邵曰一名楚雀方言曰齊人謂之搏黍今布穀也此鳥當名搏穀智按黃鸝黃栗留載陸璣疏與本艸甚明布谷則郭公鳥鳴鳩也與黃鸝霄壤而升菴且改布爲搏何居

鵲鵲反舌也○先爲百舌芒種後五日則反舌無聲五月後毛盡脫東璧引易通云能反復爲百鳥之聲故名鵲鳥俗呼爲牛矢喇哥灰黑色微有斑點先無聲者反舌也後無聲者伯勞也秧雞鵲鷄也食物本草有秧雞又有鵲雞未攷也夏至後夜鳴達旦秋後卽止皆其類也書之以察物候



寒鴉慈鳥也。鵲鳥也。於鳥鴉鵲。因此而轉。○反哺曰慈鳥。鵲鵲鵲也。今日老鴉。爾雅曰鵲斯鵲鵲。字林曰楚鳥也。郭璞曰。鴉鳥也。小而多群。腹下白。江東呼鵲鳥。按鵲斯猶螽斯鹿斯也。爾雅讀詩已誤矣。何況禽經與法言乎。俗遂作鵲字。蓋鳥與雅爲一聲之轉。而鵲與鳥亦一聲之轉。本篆作𪛗。後以於爲助詞。而太鳥字。易林正鵲楚鳥。卽卑居。古卑與匹近。

喜鵲曰乾鵲。一曰飛駁鳥。○張茂先陶貞白皆謂鵲爲飛駁。以其色雜也。鵲古文作𪛗。其通於爵者。小雀也。鵲則山雀也。一曰山鷓。淮南曰乾鵲知來而不知往。說文則以鵲爲知來鳥。陳後山詩話謂人必欲押芻尼字。亦甚無味。芻尼梵語鵲也。綱目云



鵲啄槐實結玉于腦謂之鵲玉此鵲不復鳴戴玉之鵲與燕同群識寶故也王安石以乾鵲音虔謂健鵲也陸佃曰傳枝受卵不墮地故曰乾鵲莊子曰鳥鵲孺傳枝而孚生也因傳枝而名鵲

雀古作爵曰賓雀者誤也○鵲古作鳥

七雀切

雀古作爵

卽畧切

今

人混之非也雀性淫酒器一升曰爵戒淫泆也俗曰瓦雀在堂簷間也老而斑曰麻雀小者黃口曰黃雀其曰賓雀者誤讀月令也崔豹曰雀名嘉賓又因誤耳後遂有客化爲雀之說月令正月鴻雁來自南而北也九月鴻雁來賓爵入大水爲蛤因八月鴻雁來自北而南也此乃別之曰來賓陳澧注曰以仲秋先



至者爲主。季秋後至者爲賓。言漸多也。今讀者以賓爵入大水爲蛤。則八月九月。複言鴻雁來矣。臨海異物志曰。南海有黃雀。魚常以六月化爲黃雀。十月入海爲魚。則雀化蛤者。此也。家雀何常見其化乎。今嘉興出黃雀甚美。又有飛雞似雀而大甚肥。曰刺毛鷹。松江以爲美味。兩者皆以時出。過時則化矣。然考古人稱黃雀。如子建野田黃雀行。豈盡嘉興之黃雀乎。又曰白雀。緯書以爲瑞。姚萇以之改元。不常有其矢。曰雀蘇。卽白丁香。批頰戴勝。○庶物異名疏引丹鉛錄云。唐盧延遜詩。樹上諮諏批頰鳥。王半山詩。藉草聽批頰。元人詩。批頰穿林叫新綠。韓致元詩。城頭批頰伴啼鳥。批頰不詳何狀。或卽鷓鴣頰也。批頰可對。



題肩時珍以批頰爲升菴之駕犁一名鳥白五更名架架格格者也滇人以爲榨油郎又曰鳳皇皂隸汴人呼爲夏舌如燹黑色長尾有岐頭上戴勝是卽爾雅之鵲鵲戴鵲矣鵲鵲音匹及切匹及之音轉爲批頰耳然又引爾雅之鵲鵲以爲當名鵲鵲豈爾雅重出邪羅願以鳥白爲祝雞更誤爾雅鵲山鵲頭上戴勝赤味足長尾鄭樵以鵲爲喜鵲

結遼卽吉了鸚鵡之大者也○今日了哥續文獻義物攷曰瀘南人蓄秦吉了外國買之吉了曰我漢鳥也不願入異方遂不食死仇池筆記甚詳頭有黃茸舞則開花倒懸昔人所云倒掛綠毛妖鳳卽此類也唐書林邑出結遼鳥卽吉了也能太古曰



大者鸚母。小者鸚哥。非也。稱哥。親之也。有五色。丹味白身者佳。摩其背則暗。寒則顫。飼餘甘子可解。蔡條叢談曰。西甌鸚鵡。初丹喙中黑。後丹。雌名木戾。木戾卽結遼之轉。木乃外國發語詞。或曰黠獠。元稹詩。果然皮似錦。吉了語如人。小說言情人所化。曰情急了者。妄矣。今濠鏡有持赤鸚鵡習之。使與犬鬪。卽謝眺所賦者也。其大于吉了。而尾長者曰青鷄。桂海虞衡志曰。鳥鳳。師曠禽經。鸚鵡一名乾臬。僞作禽經者。因淮南出寒臬。斷舌使語。注鸚鵡也。埤雅亦云。乾臬斷舌。則此名尚屬鸚鵡耳。或曰柯古言。堯堯鳥。其聲自號。形如鸛鵒。是名寒臬。非也。濠鏡卽香山。奧張思正倦游錄。海有黃魚。化鸚鵡。



鳥名王母竹林。猶之山和尚。雨道士也。不可以解杜詩。○升菴  
曰。杜詩子規夜啼山竹裂。王母晝下雲旗翻。今齊郡函山有鳥。  
名王母。智謂詩人寓言耳。紫桃軒雜綴。少陵七歌曰。竹林爲我  
啼清晝。同州有鳥色正青。如雀。善啼。杜本用此。陳無功引之。程  
大昌曰。竹林啼風。乃狀風竹之聲。如落霞孤鶩。解落霞爲飛蛾。  
已迂極矣。卽瑛言親見內瑞。處落霞鳥。大于吉了。而咲飛蛾之  
說。不知南昌府有吉了。與野鴨齊飛乎。海月爲江瑤柱。然挂席  
拾海月。浚非挂帆拾江瑤柱也。水落魚龍夜。山空鳥鼠秋。陸豐  
師姚令威引水經。魚龍以秋日爲夜解之。皆拘泥可咲。陸文裕  
曰。嘉定州有鳥。一名山和尚。一名雨道士。堪作對偶。今可以王



母稚子作一類矣。

鷦鷯一作鷽鷽。鷽鷽。○爾雅曰。桃蟲鷽。其鷽鷽。鷽。其鷽鷽。又曰。鷽鷽剖葦。說文曰。鷽鷽。桃蟲也。刀鷽剖葦。食其中蟲。說苑曰。鷽鷽巢於葦。若著之以髮。俗呼鷽雀。陸璣曰。鷽鷽微小於黃雀。其雛化爲鷽。故俗云鷽生鷽。郭璞曰。鷽鷽。江東呼爲蘆虎。夫鷽鷽鷽鷽鷽鷽皆一聲之轉耳。小鳥之巧於爲巢者。有桑飛。俗呼桑錢。又不若黃頭繡眼之巧。黃頭又不如茅雀之巧也。小毖之詩曰。肇允彼桃蟲。拚飛維鳥。毛公謂桃蟲爲鷽鳥之始。小終大者。鄭氏則以爲題肩。或曰鷽也。毛鄭皆謂鷽化大鳥。以爲題肩。以爲鷽。則因鷽鷽鷽鷽之誤。陸璣則謂鷽生鷽。其說又轉幻矣。鷽



蓋鴝鵒聲近之訛。埤雅以桑扈竊脂。鴝鵒剖葦爲一類。陸農師以鴝爲扈。固非。然今江南北。所謂剖葦者。又自不同。若鴝鵒則實因鴝鵒。倘因此而名葦雀乎。

鴝鵒怪鴝舊留。車載版。鴝鴝久。鴝鵒。鴝鵒。鴝鵒。一物。○頭如貓。亦如貓鳴。或有時而連囀。如休留之聲。白日不見北山。夜能拾蚤虱。以爲拾人爪甲者。訛也。此鳥有大于鷹者。而東璧曰。小如鴝鵒。但據其小時耳。山海經南海蒼梧有離朱。鴝久。卽鴝舊也。國策宋王偃時。有雀生鴝于城之陬。鴝卽鴝鵒也。俗謂鬼鳥。博物志。一名鴝鵒。萬畢術曰。鴝鵒能致鳥。王元美集有鉞鴝行。鴝在支韻。鴝也。鉞當卽擒字。魯公書顏君廡碑。祿山反。擒其心手。而



元美加支于右一也。說文皆收。

雀老鵠似鵠而小。○頭有角似兔頭毛腳。夜飛好食雞者也。今本刪作雀非。雀乃是鵠。古人既不借。今何爲亂之。

梟鵠土梟。訓狐鵠。幸胡鵠。鵠鵠一物。○如母雞有斑頭如鵠。鵠目如貓。好食桑椹。人呼爲幸胡者。是梟也。異物志曰。鵠如小雞。郭璞所云鵠鵠。謂似鵠鵠之鵠。按此當是一種矣。訓狐者。幸胡之訛也。大抵惡鳥一類。古人通言鵠梟。而鵠字亦借用。皆若族氏所覆之天鳥也。後人不能定指爲何物。而大小形聲實有三類。鵠或爲鵠鵠。而鵠又有青鵠可羹者。異名疏則以訓狐爲鬼車姑獲一物。其實姑獲鬼車別一鳥也。此三類皆雛時美好。







鵯非鵯也。○鵯爲鵯鵯。淳鳥也。不越橫艸。不亂其匹。又詩匪鵯  
匪鳶。毛氏曰鵯也。公紹寒韻引說文。鵯鵯也。音團。故戴侗改詩  
匪鵯爲匪鵯。欲別于鵯鵯也。集韻作鵯。智按當音敦。敦鵯同母  
也。敦淳皆从亭。古皆通諧。今綱目以鵯爲鵯。山海經暴山多麇  
就。注麇卽麇。就卽鵯。

題肩。或作鵯鵯。鵯鵯卽鵯也。○爾雅曰鵯鵯。鵯音鵯亦鵯音鵯類。

鵯鵯。後人加鳥。韵會復收鵯鵯。陸璣曰。鵯音鵯似鵯。青黃色。熒領

勾喙。鄉風搖翅。因風疾擊。鳩鵯食之。卽鵯之一名也。說文曰晨

風也。戴氏按詩。歟彼晨風。鬱彼北林。若晨風爲鵯。則當言集彼

北林。不得言鬱。自爾雅誤認歟爲鳥飛。因以晨風爲鵯。俗遂制



鷗字鷗別作鷗古作鷗鷗今說文亦以鷗爲鷗飛貌誤矣鷗亦通作鷗記曰鳥不鷗別作鷗風之凡疾者也亦作鷗鷗河梁詩願因晨風發送子以賤軀亦謂風也今人亦以鷗實之何謂乎禽經之鷗亦因鷗而造也

隼鷗屬也齊人謂之擊征○李陽冰曰隼凡省聲孫氏思允切陸璣曰隼鷗屬齊人謂之擊征或曰題肩或謂雀應春化布谷者埤雅曰卽鷗也按說文不以隼爲鷗鳥而詩疏引說文乃曰隼鷗鳥也可知說文隨人所附

焉當是鷗而鷗乃鷗也鷗省爲鷗因省爲弋○戴侗以焉爲鷗或曰焉从正乃射鷗之正以其疾飛高摩與鷗同意此且勿論



也。人不知鵠卽鶴。亦不知焉。卽鳶。漢仲浚之。說文無鳶字。而徐以鳶爲鳶。考其聲。鳶卽鵠也。漢書梅福傳有鵠鵠遭毒。左傳有戴鞮。曲禮載鳴鳶。人作紙鳶。亦取其高翔也。戴省爲鳶。夏小正十二月弋。注當作鳶。天祿外史嘉陵之墟有鳶。

鴛鴦。鴛鴦。鴛鴦也。○青州謂之鴛母。一名鴛。或作鴛。不木處。一曰鴛鴦。一物二種。無班者鴛也。埤雅以鴛爲鴛。智謂鴛卽鴛字。莊子所謂斥鴳也。舊注鴳小鳥。豈卽鴛乎。楊億談苑曰。鴛由蛙化。列子所謂蛙聲爲鴛也。萬畢曰。蠶得瓜化爲鴛。交州記南海黃魚。九月爲鴛。始以化成。已而卵生。鴛由鼠化。終亦爲鼠。固其理也。時珍以鴛名鴛。依杜預當曰。老鴛。智以老鴛鴛。當別一



鳥也。潛谷曰：安鳥曰鵒，或鵒當音鶴，而鵒當音晏。邪，內則雉免鵒，鵒乃四類物，豈一種而兩分之邪？後又曰：爵鵒，蜩范。又曰：鵒羹雞羹，絮釀之蓼，則鵒非鶴，鵒明矣。時珍以鶴鵒分二物，以鴛爲鶴，合觀內則，鵒羹鴛釀可知已。注鴛不爲羹，惟蒸煮而已。鶴卽鴛之說旣明，而不及鵒，則鵒自一物也。弱侯引禽經曰：雉上有丈，鵒上有赤，雉上飛能丈，故計丈曰雉，鵒上能赤，與尺通，亦作斥。莊子斥鵒是也，是小雀耳。何子元謂鵒不當作鶴，鶴乃鴨字，見丁度說，此是後人分別作意大說耳。从甲爲鴨矣，又爲乙，又作鳧，何復取聲於鶴乎？

鵒鳩，突厥雀也。○唐書高宗時，有鳴鵒群飛入塞，邊人驚曰：此



突厥雀。南飛則必入寇。已而果然。按此卽爾雅之鷦鷯寇雉也。郭璞曰。鷦鷯生北方沙漠地。大如鴿。毛似雌雉。鼠腳。无後趾。岐尾。爲性慙急。群飛。孫卿收鷦于十五轄內。莊子注。青鷦愛其子。忘其母是也。禽經曰。奪曰鷦。正謂此也。物異考載此曰。蕃雀。竊脂。自以色名。然別有肉雀。別有竊脂也。○邢氏以爲淺白。而鄭注以爲蠟觜。有脂色。謂竊肉者。郭璞所言青雀也。淮南子與郭相證。而歐陽氏亦有食肉之論。蓋爾雅兩言桑扈竊脂。又有扈鷽。則名同者多。未可定爲脂色也。山海經云。岵有鳥焉如鷽。赤身白首。其名竊脂。絕不相類。則又一竊脂也。智在平西山中。二季見有雀如鷽。青黑色。長喙。切魚者。去腸於溪側。竟來啄之。



鴝人謂之嚙鳥。

鷓鴣越雉也。○張華注禽經曰。臆多白點。飛必南翥。晉安曰。懷南江左曰逐影。自鳴鈎鷓。格磔。行不得也。哥哥。時珍曰。性好潔。人以糲竿粘之。陸佃以鷓鴣司事。與爾雅鷓鴣。鷓鴣爲鷓鴣。引唐詩雲。木叫鈎輶。卽說文鷓鴣。智按。是林逋詩。非唐也。夜飛覆木葉。亦未必然。古云。偃鼠飲河。不過滿腹。鷓鴣啣葉。才能覆身。謂其宿也。志常南嚮。不思北徂。故吊屨善者作鷓鴣詞。

雉。文而介者也。爾雅列其名。禽經別其色。素備采曰暈。青備采曰鵲。朱黃曰鷺。白多曰鵲。黃多曰鵲。黑曰秩秩。尾長而健曰鸛。鷓大鷺。小卽鷓鴣也。鷓也。鷓錦雞。鷓。綬雞也。鷓采在喙。鷓采在



身○外文內介。故士贄雉。說文驚必列切赤雉也。鷩鷩音俊鷩也。

左傳丹鳥司閉。杜注驚雉。西山經鳥多赤鷩。可禦火。相如賦射

鷩鷩。顏注驚似山雞而小。冠背黃腹赤。項綠。秦漢初侍中冠鷩

鷩。其倣周之孤服鷩冕乎。智按淮南。趙成靈王。貝帶鷩鷩。注郎

犀毗。按與貝帶複矣。安知非冠鷩鷩。安知不挿雉尾乎。爾雅南

方曰鷩。恂收九韻。雉也。碩野王曰。鷩鷩鳳屬。未攷矣。象類書曰

輦从輝。鷩从瑤。鷩从遑。惕从朴。鷩从僣。翰卽翰。鷩鷩从俊。儀鷩

以蔽身餘尾也。翟从隹。羽美會意。以好敵爲音。故司服揄狄闕

狄。通借也。吐綬鳥曰鷩。音鷩詩邛有旨鷩。綬艸似鳥。故爾雅作鷩

綬。崔豹謂之錦囊。以反哺曰孝鳥。以愛隸曰避株。凡雉別于鳩。



以尾長而飛丈也。華蟲鄭玄說也。王會篇蜀人以文翰若皋鷄。  
注鳥有文彩者皋鷄似鳧。冀州謂之澤特。爾雅翰天鷄注赤羽。  
逸書曰文翰若彩鷄。魯郊以丹鷄祝曰以斯翰音赤羽。去魯侯  
之咎。其曰一名鷁風者誤也。王氏博古辯曰古玉多刻天雞紋。  
其尾翅輪如鸞鷁。正錦鷄也。一曰翰雉。王會注以爲似鳧。正謂  
其尾翅輪耳。澤特則正屬王雉鳩之類。秩秩海雉則鷁鷁黑翰  
之類。

鷁亦黑雉類也。○似雉黑黃兩鷁鬪必至死以爲或冠其青色。  
曰鷁。說文鷁似鷁出笊中。張敞舍鷁雀飛集丞相府。顏注音芬。  
本作鷁。爾雅春鴈鷁鷁此是訛非可借音。



白鵬。白鵒也。○李昉命爲閑客。爾雅鵒雉。鵒雉。注白鵒也。鵒鵒翰一字。音寒。本艸作鵒。南人呼閑如寒。則鵬卽鵒音之轉也。廣志南越獻白鵬。黑鵬。蓋雉亦有黑者。可徵秩秩海雉之說。益旦一作鵒旦。鵒旦。渴旦。鵒旦。寒號也。此升菴之確論。○坊記引詩相彼益旦。尚猶患之。註云益旦。夜鳴求旦之鳥。鹽鐵論亦載此卽鵒旦。七發用之。月令作鵒鵒。或作渴旦。又作鵒旦。方言鵒旦有定甲。獨春城旦。倒懸之名。周書時訓曰。大雪之日。鵒旦不鳴。升菴定以爲寒號。其鳴曰鳳皇。不如我。至冬毛落。鳴曰得過旦。過。顧野王曰。鵒旦似雉而大。青色。有毛角。鬬死乃止。晝夜鳴似雞。如此則或弁之鵒冠。卽一物。師古曰。非也。鵒雀之鵒。音



芬本作鴈。此師古所見乎。本草五靈脂。乃寒號糞。如小雞。四足有肉翅。不能飛遠。夏月毛生五色。醫用北地者良。其早寒也。

鴈。雁也。鴻雁來。雁北鄉。雁父母也。鴻雁來賓。候雁北。雁之子也。白雁曰霜信。小雁也。○鹽鐵論引詩雍雍鳴鴈。以鴈爲雁。當音嘶。師曠禽經。鴈以水言。自北而南。張華注鴈音雁。隨陽鳥也。冬適南方。集於江干之上。故从干。開元文字雁又音岸。鴈卽鴈。而鴈鴈亦省作鴈。故作鴈者誤也。分大雁爲父母。小雁爲雁子。乃晉干寶說。而宋人述之。一名翁鷄。一名沙鷄。一名倉鷄。今霜降前十日來者。曰白雁。卽候雁。故曰霜信。然今多是蒼白色。故春秋公孫彊。白雁獻曹伯。漢或得白雁上林。十九章曰。白集西。以



爲瑞也。

負釜一作負金。鵲也。○元恪曰：鵲似鴻而大，長頸赤喙，白身，別名黑尻，其巢大如車輪，卵如三升杯，望見人，按其子令伏，竟舍去。一名負釜，一名背竈，一名阜裙，泥其巢，一傍爲池，含水養魚，殺其子。一村旱，皂裙或作阜君，廣雅作皂帔，无功引作旱群，負釜作負金，或云負日爲金，或云周思方養鵲，縱之，負金串來，妄也。張華注禽經曰：取礬石繞卵，以助煖氣。智按：考之不驗。爾雅翼云：生子三，一爲雀。江南謂群鵲旋飛爲鵲井。王應麟詩考異：雀鳴于垤，引說文曰：小爵也。或是爾雅之鵲，鵲音乎。鵲音歡團。古人因物安名，隨手借書，而忘其相碍。



周周銜羽之鳥也。○阮籍詩周周尚銜羽。蛩蛩亦念飢。轉注略。周音誅。韓子言周周首重而屈尾。飲河則顛。乃銜羽而飲。莊子曰。周周銜羽以濟。太平御覽引禽經曰。鸛鸛之信不如雀。周周之智不如鴻。今禽經無此語。止有鸛雀啁啁。或亦衝波傳。子路所云熒熒周周之鳥乎。自欲行文。不必有其物也。然鳥銜羽有之。余曾見平西徭中白鸛。時自銜尾。蓋自愛其羽也。

九頭鳥。姑獲渠逸。皆鬼車也。白澤圖之蒼鸛。孔子所見之奇鸛也。○白澤圖言。蒼鸛有九首。孔子與子夏見奇鸛九首而歌。或作九尾。此鳥海上多有。智狂松江親聞之。市人爭作犬聲相逐。相傳一頭流血。著人家。卽凶夷堅志言。李壽翁得之。呼爲渠逸。



鳥十脰環簇其一無頭而滴血玄中記姑獲一名天帝少女好  
取人小兒養之點血其衣以爲誌荆楚記言以爲姑獲一名勾  
星衣毛爲鳥脫衣爲女聞者捩犬耳滅燭禳之

蜚廉神禽也○三輔黃圖謂飛廉爲神禽能致風氣身似鹿頭  
如雀有角而蛇尾文如豹郭璞云蜚廉龍雀也焦氏筆乘云飛  
龍鳥名鳳頭龍尾其文五色以象五方一名飛廉一名龍雀漢  
銅鑄其象以彰瑞應明帝至長安迎取飛廉天馬置平樂館按  
赫連勃勃造刀名曰龍雀取是義也沈括于姑孰王敦城下得  
一銅鉦刻曰諸葛士全荅古落字此部落之落士全部將名其  
鉦中間鑄一物有角羊頭旁兩字曰飛廉淮南轉運使韓持正



通牙  
亦有一鉦。所圖飛廉及篆字。與此同。阮霧鸞嘗言。見一銅鼓。內篆飛禽。此正飛廉也。此爲風伯。又爲禽名。存中則以爲獸。今船尾皆畫之以呼風。世稱爲飛虎云。飛廉又爲藥名。漏蘆也。又人名紂臣。

鵠鵠。卽獻茅鳥也。○王融曲水序曰。奇幹善芳。奇幹北敵也。善芳令人不昧。昧或曰眊。眊目也。山海經翼望之山。鳥三首六尾而善笑。名曰鵠鵠。音猗餘。服之使人不厭。太平御覽善芳作獻茅。

獅子大雀。食火鳥。駝蹄鷄。骨托。皆駝鳥類也。○博物志曰。條支國。西海有獅子大雀。郭義恭廣志曰。安息國貢大雀。似橐駝。其



卵如鵝。今之駝鳥也。漢元帝時有大鳥如馬駒。時人謂之爰居。  
楊震死。致大鳥不知何狀。唐高宗永徽中。吐火羅獻鳥如駝。食  
鐵。劉郁西域記。富浪有大鳥。駝蹄。食火炭。費信星槎錄云。竹步  
國。阿丹國。俱出駝蹄雞。墨客揮塵云。骨托鳥如鷓。高三尺餘。食  
鐵石。取絲繫三寸白石。卽吞之。良久牽出。石如泥矣。吾學編云。  
洪武初。三佛齊貢火雞。大于鶴。方隅勝略言。蘇門答刺產鷲。高  
四尺。似駱駝。噉羊。祖法兒國產駝雞。有肉鞍可乘。凡此諸說。大  
同小異。必其類也。以漢馬駒鳥爲爰居者。尚非。

鷓鴣須羸。卽今之鷓鴣油鴨也。○爾雅鷓鴣須羸。羸音螺注以爲鷓  
鴣水鳥。今時珍作須羸。一名水鷓。古以其血塗刀劍。孫愐則曰。



羸桑飛鳥也直翁刪之

鵲今之茭鷄○鵲一名交臚以晴交者也爾雅曰鵲禽經云白鵲相睨而孕鵲鵲晴交而孕又曰旋目其名鵲方日其名鵲交日其名鵲

鵲鵲一字之轉

○爾雅鵲鵲

於計反

注以爲鵲茲今之水老鴉

捕魚者也弘景曰此鳥不卵生口吐雛寇宗奭言此說誤其卵碧色鵲似鵲而白莊周所謂白鵲相視而風化鵲與爾雅之鵲聲相近後人或作鵲故畫舟首曰鵲首方言艦艚又稱青雀舫其青鵲即鳥鵲海上化鳥鵲者也說文鵲又作鵲引相如作鵲按鵲即鵲鵲鵲也按此三字音義相因而鳥實有別大約



鷦爲鷽。而鷽鷽大鷽。又有鷽視風化之說。故爲白鷽。蒼鷽。而鷽爲船首青雀之稱。鷽則時借鷽鷽。說文不能辯。反曰鷽又作鷽耳。黃憲天祿閣外史曰。徐淵蜀山見禽。曰其蒼鷽乎。孕不交而感。不交而生。生也以睨。氣化。載於爾雅。觚竹之荒。有鳥曰鷽。翼生於股。焚惑見則孕禽。感於星也。嘉陵之墟。有鳥曰鷽。臨溪啄影則孕。吐於口而生。感於水也。扶桑之野。鳥曰搖光。感日之精。千歲孕形如龜。感於日也。此三禽者。爾雅不得而載焉。今按爾雅。杗無蒼鷽。其因莊子之白鷽。而大蒼鷽之名。其鳥鷽乎。嘉陵乃重慶滌江之口。今此下至巴東。皆有神鳥。則所謂嘉陵之鷽。殆指此也。外史亦後擬者。



鷓鴣一名烏鬼。○老杜遣悶詩。家家養烏鬼。頓頓食黃魚。沈存中以爲鷓鴣一名烏鬼。馬永鄉駁存中謂鷓鴣能捕黃魚乎。峽中士夏大夫云。烏鬼猪也。家養一猪以祭鬼。智謂存中言捕魚何必捕黃魚。安知非黃頰魚邪。冷叟夜話曰。川峽路祀烏蠻鬼。智按巴東路有烏。就人舟行。必擲肉餉之。不則不吉。其烏鬼乎。王楙引劉禹錫詩。有青鬼。碧溪詩話。引元稹詩。病賽烏稱鬼。巫占瓦作龜。程大昌主鬼。升菴云。峽中人養鷄雛。帶銅錫環獻神。名曰烏鬼。按蒼頡篇。鷓鴣似鷓而黑。卽爾雅之鷓鴣。注卽鷓鴣也。爾雅翼曰。鷓鴣峽中。號爲烏鬼。此存中一助也。東璧以烏鬼蛇頭長項。卽爾雅所謂鵠頭魚鮫。又存中一助也。智按爾雅作



鵙頭鵙。鵙音拘。其曰蜀水花。用去鼻。又研水服之。斷酒。蓋鵙  
鵙屎也。至以此解杜詩。則所不必。

翠鵙。非魚狗之翠也。魚狗爲翠鳥。一名魚虎。卽爾雅之鳩天狗  
也。○翅尾亦可作首飾。而翡翠鳥自在海上。乃爾雅之所謂翠  
鵙者也。南越獻漢翠鳥五十雙。左傳鵙冠卽此。翡翠屑金。則玉  
也。陸魯望以魚狗爲翠碧。

知雨之鵙。非翠冠之鵙也。○陳藏器曰。求泥塗。鳴鵙鵙。人以爲  
田鵙所化。鵙鵙類也。說文曰。鵙知天將雨。則鳴。時珍言田閒小  
鳥。將雨卽鳴。或近之。蘇秦云。鵙蚌相持。卽此。

鷺鵙。渠。鷺也。○爾雅鷺鵙。渠。卽脊令也。郭云。飛則鳴。行則搖。



水鳥也。又作庸渠。似鳧。灰色。鷄腳。鄧潛谷以爲卽鷺也。蒼頡解詁曰。鷺鷥也。其隨潮往來者曰信鳧。陸佃作漚。列子漚鳥百往而不止。鷺通作鷺。相如傳有拂鷺。羅願引陸龜蒙言鳧蔽天而來。江南常以糲糲塗枝得鳧。

鵠名禿鷺。一名扶老。或以爲爰居。○禿鷺。說文作鵠。俗曰鷺鵠。如鷺鵠。爪如鷄。取其毛爲鷺翎。本草引景煥閒談云。海鳥鷺鵠。卽今之禿鷺。正楊曰。蜀景煥閒話云。孟景時有鷺鵠。俗呼禿鷺。升菴引之。又一條。以禿鷺爲急就章之乘風。卽爰居。漢元帝時。瑯琊有大鳥。如馬駒。時人謂之爰居。智則謂以馬駒鳥當魯爰居。豈詎是邪。禿鷺。水鳥較近耳。急就注一名雜縣。乃因爾雅也。



樊光云似鳳凰。皆非禿鶩。一名扶老。見古今注。

蠻蠻。卽鷦鷯也。○山海經崇吾之山。鳥曰蠻蠻。如鳧。一翼一目。卽爾雅比翼鷽鷽也。郭璞贊曰。似鳧青赤。見則大水。管子西海致比翼之鳥。注曰鷽。拾遺記。成王時。燃正國獻之。如鵲而多力。張華以爲一青一赤。在參隅山。水經注曰。林邑有比翼鳥。不比不飛。鳥名歸飛。鳴聲自呼。俞益期與韓康伯書。此鳥背青腹赤。丹心外露。鳴情未達。終日歸飛。據林邑言之。則爾雅南方爲是。管子西海非乎。然崑侖西海。原連南海。禹貢黑水入南海。皆指崑侖西南。

睢鳩。鷽鷽之類。非鷽也。○睢鳩。王睢。爲鷽曰沸波。下窟鳥。禽經



曰。睢鳩。魚鷹也。嘗疑鵩鳥累百。不如一鵩。鵩也。豈水上之鳩乎。  
王雉名鵩。因附爾雅白鵩而訛也。爾雅揚鳥白鵩。音厥注如鷹。尾  
上白。說文曰鵩。王雉也。智按皆互相揣附也。長箋謂王雉如鴨。  
與谿賦異。風土記疑爲蒼鵩。近代馮元敏云。狀似鴛鴦。然則鵩  
鳩其屬玉乎。藏器曰。屬玉如鴨。長項赤目。毛紫紺色。他經傳未  
常引之。時珍以屬玉爲鸞鵩。鸞鵩類鳳。豈此乎。荆楚記云。鸞名  
節木鳥。羅氏曰。杏黃色。頭戴白。長毛。尾翅黑者。鸞也。五采纓者。  
鸞鵩也。朱子謂生有定耦而不亂。引列女傳。未常見其乘居而  
匹處。蓋因詩生意耳。徐鉉草木圖。至謂關雎在河洲上爲儔偶。  
未常移處。是又傳會在河之洲。詩本謂雉鳩之聲關關。後人合



關雎爲篇名。安得遂以關爲鳥名。黃真翁引夾漈曰。鳬類在水邊。尾有一點白。舊說鷓鴣誤。郝氏以雎鳩爲布穀亦非。錢氏曰。王雎。杜鵑也。杜詩百鳥飼其子。乃知有君臣。故謂王雎。秋鳩化鷹。故在河洲。將謂子規擊鳥乎。化鷹乎。石塘謂摯鷩鷩。古通。曲禮。前有摯獸。婦摯榛栗。則鷩鷩皆鷩鷩也。智按爾雅鷩鷩王雎。王卽玉也。其屬玉乎。據爾雅王雎矣。又據別條白鷩。皆因毛臆。而許附之。郭陸附之。故疑至今。

鷩鷩。洿澤。卽今之淘河也。○廣韻鷩鷩。卽護田也。丁度或作鷩。通作澤。以其形論之。是鷩鷩也。領下有胡。莊子曰。魚不畏網而畏鷩鷩者。以其能竭澤。一名洿澤。魏文帝曰。詩人所謂洿澤。刺



其公遠君子。近小人。爾雅鷺澤虞。郭璞注。姻澤卽洿澤也。無功引。姻嫪爲戀池澤。則迂矣。

鷺鷥。鷺鵒也。○玉篇有鷺。六音鷺。按說文鷺鷥。鷺也。謂在蘆閒。乃

野鵒也。家鵒謂之舒雁。禽經曰。鵒。月。謂伏月。卵。則向月。取其氣助卵也。智謂向月光之說亦非。陶穀曰。鵒爲元地奴。洞冥記。日出時。唧翅而舞。名喜日鵒。其與雁通聲。詳見襍辭。

鴨。一名鵒。因庶人之摯匹也。以乙呼鴨者。吳人語也。○家鵒爲鷺。與木通。性質木也。雙鴨爲匹。庶人卑匹。故曰末匹。廣雅加鳥傍耳。曲禮讀匹爲木。亦屬多事。王勃借用孤鷺。不必爲曲說也。博雅鷺。鷺也。司馬溫公曰。鷺。匍於泥。不能鳴飛。集韻作鷺。鷺。



野鶩爲沉鳬。卽爾雅之鴈。鴈音施。當讀夷。洞冥記有昇菟鴈。曰丹毛鳬。鳬本象鴨尾。故鳬尾喬卷者。亦稱之。孟奇疑鶩易鳬事。智按大平御覽引董子繁露曰。張湯欲以鳬代鶩。祠祀宗廟。董仲舒不可。則自漢以鶩爲鴨。鳬爲野鴨。明甚。後人用舒鳬。孤鶩。則猶惺惺爲禽獸也。長箋曰。鳬本作乙。乙訓玄鳥矣。乙又解曰。其鳴自呼。按唐陸龜蒙爲中使彈殺其鴨。龜蒙詒曰。能言之鶩。將獻至尊。何遽傷害。中使賞以千緡。曰。願聞其言。曰。能自呼其名。詳此。則乙爲舒鳬審矣。字書以乙乙分形。

鷄爲積陽。一曰燭夜。○說題詞曰。雞積陽。故日出而鳴。先鼓翼。野鷄積陰。故鳴後鼓翼。舊說聞天鷄鳴而鳴。妄也。崔豹曰。燭夜



鷄也。廣志有胡髯。五指。金鵀。反翅之類。大者蜀。小者荆。九真出長鳴鷄。向以汝南出長鳴鷄。乃學鷄鳴之人也。七發似以鷓鴣爲野禽。則曰鷓字誤用也。王褒曰。奧瞰鷄睨。李善以爲奧目不瞑。鷄好邪視是也。升菴曰。雛音岑。卽魯雞也。方言雞雛。徐魯謂之秋侯子。

鶴頂乃鸛鷁。非鶴之頂也。○丹鉛錄曰。鸛鷁卽今鶴頂。猶負鰭之皮。爲鶴筒也。世有鶴頂杯。俗或以鶴之頂所爲。劉欣期交州志云。鸛鷁卽越王鳥。水鳥也。大如孔雀。喙長尺餘。南人以爲飲器。竺法真羅山疏。鸛鷁糞似薰陸。山人以爲香。入藥治瘡。此鳥又名象鷁。言其大也。人因作鷄字。



鵩曰卽運日。鵩也。○弘景曰鵩與鵩日二種。鵩如孔雀。鵩日如黑鶩。鷄作聲似云同力。江東呼同力鳥。昔人用鵩毛爲毒酒。蘇恭曰羽畫酒殺人亦是浪澄。郭璞曰鵩大如鵩。長頸赤喙。食蛇。說文廣雅皆以鵩爲鵩日。淮南曰暉日知晏。今訛爲暉日。交廣人云鵩日卽鵩。更無如孔雀者。陶爲人所訛也。羅願曰鵩狀如鵩。紫黑色。雄名運日。鵩名陰諸。函史曰有蛇虺群呼同力數十聲。石崩樹倒蛇無脫者。蛇入口卽爛。惟犀解其毒。智記晉王愷養一鵩。司隸傳祗奏于都亭燒之。亦言似鵩。而玉篇載鵩。鳥名似鳥。一名同力。說文不載。亦無作鵩之說。運鵩一聲。鵩亦沉去聲。道昭載鵩鵩鵩。三字爲一。或鵩之訛。漸子云似雉黑色。按爾



雅秩秩海雉注如雉而黑在海中山上則秩秩卽鴝乎遯叁閒  
覽曰蘄州黃梅有鴝巢



通雅卷之四十六

桐山方以智密之輯著

同里姚文燮經三較訂

動物

獸

麒麟通作麒麟。殆天鹿乎。○公羊傳曰：有麋而角者。孔子曰：孰爲來哉。京房曰：狼額馬蹄五彩。陸璣曰：麋身牛尾馬足黃色圓蹄一角。角端有肉。皆相傳說耳。拂林僧言：天鹿卽麟。湧幢小品曰：麟之青曰聳孤。赤曰炎駒。白曰素冥。黑曰角端。黃曰麒麟。雄鳴曰遊聖。雌鳴曰歸昌。皆附會也。演繁露言：唐以麒麟名廐。因改麒麟。騏馬色也。馬出冀州多良。故作騏。世用麒麟閣者多矣。



智按穀梁傳已作麟。說文麒麟。仁獸也。麟大牝鹿也。石經通作麟。而經傳別無以麟爲大牝鹿者。爾雅有麇。麇爲鍾文。漢成帝獲麟。實鹿之異者。相如賦曰。射麇腳麟。此麟并州界有之。大小如鹿。羅願指此爲麟。皆本說文。集韻麇。訛。郭璞曰。麒麟似麟而無角。元美譏陶九成是也。霧縠曰。特感龍生麟。篆家分蕩。音其。蕙爲鹿。

象牙爲白暗。犀角爲黑暗。言斑犀者。謂正透倒透。腰鼓挿也。○漢平帝時黃支貢犀。有夜明犀。或山海經之白犀也。開元遺事。交趾貢辟寒犀如金。六帖唐文宗有辟暑犀。嶺表錄異有辟塵犀。杜楊編有蠲忿犀。與所云分水犀。見形犀。皆難得之寶。澠水



樊談曰。犀生邕。管交趾者。角紋如麻。生六食者。文如茱萸。異者曰通天。如宋之蠻子牽獅帶。乃犀玩物形于角者。有正插。倒插。有腰鼓插。犀亦歲退角。培土如象。西域謂犀爲竭伽。角爲毗沙。拏。言一角也。東璧曰。凡三種。山犀。水犀。有鼻額二角。兕犀止有一角。在頂。洪武中九真貢獨角犀。牯角文大。牴角文細。郭璞三角。訛傳也。智按。所謂鼻角曰食角。卽鼻骨也。通天者純白。而中有一線黑也。水犀角中一線光明。是真駭雞犀也。今之栗髮全黃者多矣。豈有奇乎。墨客揮犀曰。波斯以象牙爲白暗。犀角爲黑暗。故杜詩曰。黑暗通蠻貨。陸務觀曰。靖康括金。群臣金帶。以犀易之。執政則正透。從官則倒透。建炎草創。猶用此制。唐會要











章服。太和六年。一品二品服犀玉。及斑犀。斑謂黑黃相間也。演  
繁露曰。黑質中。或黃或白曰正透。外暈皆黃而中涵黑曰倒透。  
智以犀貴白。而人則黃。白透爲正。黑中透白爲倒。花中花曰重  
透。暹羅爲上。髮紋粟而有高骨。其紋細無高骨曰大角。舶來毛  
角難辨。故稱黑暗。元史浩兩鈔摘腴曰。今骨掘犀乃蛇角也。蓋  
名蠱毒犀。凡犀特曰沙犀。羅願以兕卽特。亦臆。蓋三種犀。各有  
牯特也。爾雅所云兕似牛。犀似豕者。近是。古人通言兕。今人通  
言犀耳。呂覽隨兕注。小牛也。則牛亦稱兕矣。犀亦从牛。湛若曰。  
說文無獅有𧑒。余謂𧑒卽獅。象皆象形。皆聲轉也。象大者八  
牙。柯古曰。象管環王國。一牡象。管牝三十。國以代樵。今雲南亦



取之。繩旬諸處。其牙有交互髮紋。以血牙爲上。微帶紅色。壺涿氏以棒貫象齒。制水怪。陶貞白言。夏月合藥。須置象牙于傍。合丹竈。以象牙夾竈。得雷聲能發光。象膽隨時而。孟奇言。象房象死。膽在腹中。或曰。四時之首易地而後。皆在腹。

乳虎最猛。小虎曰彪。因虎文而名也。豹因彪聲。山海之豹卽豹。

○古文作。又作。象形。今說文。虎文也。。古文虎。。虎。。委。

虎有角者也。虎變从虎。非從巾。几。俱象尾耳。。卽彪。。必幽切。

因虎文而名小虎。斐旻射彪是也。左傳於菟。漢書作烏菟。今作鷠鷯。贅矣。或曰。狸兒。轉爲李耳。彭乘曰。虎食一人耳。成一缺。汀州得一虎。兩耳如錦。豈此名乎。李父伯都見方言。淮南曰。烏雄。



鷙獸牝猛故羆爲熊之牝狼爲獾之牝虎牝曰乳虎於菟者乳  
頭之轉音也南詔謂虎爲波羅蠻人呼虎爲羅羅張耒言存中  
聞關中人曰此中有程遂以爲莊子程生馬之程不知秦聲謂  
蟲爲程謂虎爲大蟲也劉貢父亦言關中呼蟲爲塵而舊說以  
程是豹說文豹勺聲狼貪豹廉程度取食故從勺則豈鑿矣豹  
亦虎所生當是彪聲轉豹而太豹字从𠂔以諧𠂔包也爾雅虎  
有虺旛貓而豹止有貌白豹卽白毛而黑文者也黑多曰玄豹  
近蒼曰赤豹其無文者曰土豹陶谷子妻曰南山玄豹霧雨七  
日欲澤其衣毛卽洞冥記所云青豹也卽貌也詩名義疏謂貌  
齒可假佛牙佛骨以鐵椎之鐵皆碎落或夷志言魏王頭顱骨



大如斗。嘉定州凌雲寺有佛牙。皆獬齒也。蘇頌曰。唐画獬爲屏。白樂天有詩贊之。郭璞曰。獬食銅鐵。糞可爲兵。王會屠州黑豹。補注曰。屠各山有白豹黑文。今出建寧郡。毛黑白臆。似熊而小。舐鐵頓進數十斤。此殆成式所云。伽毘葉獻之天鐵熊乎。天鐵謂吮鐵也。彼指騶吾。白虎黑文。令升曰。虎五指者皆是。獬山海經豹尾。郭注豹之樂反。智按卽豹尾。又沅陽山多犀兕虎豹。牝牛。又豺亦作豺。證知豹卽豹。

蔡苴機兩頭鹿也。○屎主蚘毒。蔡苴機兩頭麋也。出永昌郡。博物志。蔡余義獸似鹿。兩頭。其胎中尿。四時取之。蔡余義卽蔡苴機也。范曄後漢書云。雲陽縣有神鹿兩頭。能食毒草。卽蔡余義。



月令廣義引博物志云。雲南郡出茶首。是兩頭鹿。胎可治蛇虺毒。以四月取之。茶首音蔡茂。按卽蔡苴機。余與茶苴與首。茂與義相沿而訛。王會曰。區陽以鼈封。前後有首。盛弘之記。荊州武陵郡陽山。有獸如鹿。前後有頭。元瑞曰。卽山海經之并封。在巫咸東。又大荒山名鑿鑿鉅。有獸左右有首。曰屏蓬。郭注曰。卽并封。升菴元美皆載茶首。皆不知蔡苴之訛。李時珍曰。當作管機。晉常璩南中志曰。雲南郡。蜀建興三年。置有熊倉山神鹿。一身兩頭。食毒草。段柯古曰。邪希。兩頭鹿也。夷謂鹿爲邪。矢爲希。熊羆。一類也。○黑者熊。大而黃白者羆。黃赤者魑。爾雅熊虎醜。羆白狐。璣曰。似熊。遼謂白羆。爾雅翼曰。有猪熊。馬熊。人熊。按



馬熊卽羆。或作𧢲。人熊卽魑。蜀有獸如熊曰猛氏。子虛賦鏃猛氏。蓋魑也。天問魑堆。或作魑魑。其以爲山海經之魑。非也。魑。北號山白首鼠足之鳥也。祖冲之述異記曰。東土呼熊爲子路。古以熊配虎爲旗。又執畢者冠熊。謂之旄頭。乘輿之出。則前旄頭而後豹尾。以熊出而不迷。豹往而能返也。關西呼羆羆。羆善撲騰。

能卽熊。又爲三足鼈之名。○史正義縣之羽山。化爲黃熊。入羽淵。熊乃來切。下三點爲三足也。束皙發蒙記。鼈三足曰熊。韻會曰。熊卽左傳黃能入寢之能。不知張守節何據有三點之說也。按說文。鼈本獸名。山海經從山多三足鼈。大苦山多三足鼈。陽



美君山池有三足鼈。爾雅鼈三足曰能。音乃來切。束皙牽附耳。釋文曰。獸非入水物。故是鼈。一曰神獸入水。東海人祭禹廟。不用熊白及鼈。豈鯨化爲二物乎。智謂祭禹者。因所聞而然。豈足據邪。張叔皮論曰。賓爵下革。田鼠上騰。牛哀虎變。鯨化爲熊。人血爲燐。積灰生蠅。則熊皆以能叶韵。然左傳葬敬嬴。穀梁作傾熊。古熊亦在庚韻。如天官三能卽三台。楚詞以能叶佩。大約古人方音。隨讀而借也。因羽山言羽淵。總爲地名。如雞澤。孟津之類。何必以入水爲疑邪。贊寧引山經鼈。或作鼈。卽能。任昉述異記云。江淮中有獸名能。音耐。蛇精化也。冬爲雉。春復爲蛇。曾耳。騶吾。○瑞應圖云。曾耳似虎。絕大。不食生物。見虎豹卽殺。



之太平則至。景純曰：卽騶虞也。白虎黑文，尾長于身。山海經：林氏國騶吾，日行千里。注：六韜云：閔天之徒，得此獻紂，乃釋文王。大傳言：散豎于陵，氏取怪獸，間尾名曰虞。注：間，大也。淮南言：散豎得騶吾，鷄斯之乘。吾卽虞。曼倩識騶牙。吾與牙通。鼠璞考詩之騶虞爲官名，此亦一說，不妨自有騶虞獸也。陳無功曰：王會史林以尊耳。元美亦作尊耳。今考王會作史林以尊耳，無作尊者。王道俊曰：騶虞又謂之素毳。顏延季曲水序：頽莖素毳，杳杳共穗之瑞。注：素毳，白虎也。白虎黑文，曰騶虞。漢書：相如傳：股股之獸。史作般般，言其文。薛道衡曰：麀也。智謂指騶虞。曲水序：頽莖素毳，則白疊艸也。升菴引山海經：騶吾，乃省筆之訛。



獫狁。唐已黃腰。○蜀志有黃腰。鼬身狸首。長則食母。能食虎牛。孫  
恒以爲穀似豹。而小腰以上黃。函史曰獫。食母猴。獨食猿者也。  
獫卽穀也。一曰鼬亦食母。酉陽雜俎黃腰一名唐已。按獫乃獫  
之訛。

猩猩。或作徃徃。狒狒。或作費費。萬萬。一曰顓。嗥陽。梟羊。山都吐  
嚙。土螻。○吳都賦猩猩啼而就擒。萬萬咲而就格。山海經汜林  
徃徃。荀子水經注皆同。說文成王時州廩獻饗。北人謂土螻。或  
作狒狒。周書作費費。北人謂之吐嚙。海內經謂之顓。俗名山都。  
南康以此名水。卽今贛州。智按山海經載梟陽。而別載土螻。或  
隨地異名也。漢書注作梟陽。張衡作梟羊。王文考夢賦批鱗。穀



音費。蓋指狒。今異名疏。分山都與萬作二條。豈未考邪。梅氏曰。本作鬲。亦舛。

一角曰天祿。二角曰辟邪。○漢書西域傳。烏弋有桃拔。孟康曰。一名符拔。似鹿長尾。一角爲天鹿。兩角爲辟邪。似虎正黃。有髯。尾端茸毛大如斗。章帝時月氏獻之。和帝時安息獻之。存中曰。至和中交趾獻麟。如牛一角。而考之不合麟。余以爲天祿。後漢中平鑄天祿蝦蟆。注云天祿獸名。今鄧州南陽縣宗資碑旁兩獸。鑄其膊。一曰天祿。一曰辟邪。元豐中余過鄧。聞此石獸尚在。使人墨之。其獸有角鬣。鱗如手掌。與交趾所獻相類。升菴以天祿爲蝦蟆。未見筆談邪。沈約宋書。天鹿卽天祿。拂菻僧言天



鹿一角端有肉卽麟大者爲白色角端有似鹿似牛之別智按南齊書芮芮傳獻師子皮時有賈胡在蜀曰此非師子皮乃扶拔也卽符拔星槎勝略作或撥

朴握言樸朔也漢呼兔爲浞鼻○說楮云兔名朴握見古文苑一作朴朔東坡詩寒牕煖足來朴握古樂府木蘭篇雄兔腳撲朔雌兔眼迷離大傳麋爲辟雞兔爲宛脾皆聶而切之古云兔吐子望月而孕前輩曰不驗韋絢云巴州兔作狸斑乾鑿度注浞鼻兔也郝氏曰浞鼻浞與闕通豈以闕唇而遂曰闕鼻乎狨猱也沐猴獼猴母猴也○漢西域注沐猴卽獼猴也轉注略音沐爲獼智按獼猴卽母猴也母音轉爲馬又轉爲獼方言呼



母曰嬰此其證也獸以雌強今獼猴亦謂大者猶凡物之大者  
曰馬藍馬薊之類孫奴刀切即瘦也一名狨音戎其毛茸而長金色  
異采世以爲韉褥謂之金線狨今香山隩有來貿者其毛柔長  
可藉制字從柔以此

麀鼠即跳兔○王會獨鹿叩叩距虛注謂叩負虛爾雅注謂叩  
叩距虛負麀呂說言叩叩距虛鼠後兔前故須麀會以甘草小  
顏曰今雁門有相負之兔曰麀鼠沈括使遼見跳兔萌足寸許  
一躍蹶地此即蹶也緯畧曰狼狽是二物狽萌足絕短每行常  
駕兩狼失狼則不能動張揖曰距虛似羸而小豈狽邪  
狄雖果然一物也○狄羊就切楚辭常用援狄顧野王曰黑猿



也。倉頡篇曰：似狸。顏師古曰：似猴，仰鼻長尾。據籀說，卽所謂猶也。崔浩曰：猶，仰鼻長尾，性多疑。一曰似麕，居山中，聞人聲，豫登木，無人乃下。世謂不決曰猶豫，此也。段柯古曰：狐性好疑，鼪性好豫，以鼪通猶耳。智考此卽鼪。誅柚二音矣。鄧潛谷曰：狄也，黃黑色。羅願曰：蝨，一名果然，人捕其一，則群啼相赴，以其來之可必也。大者爲禺，小者爲狄，猶與蝨。爾雅兩載之，或更有同名者與。獬豸，一作獬廌，獬廌，能辨。○大玄作能辨，廣雅作角獬，神羊也。柯古曰：開元二十一年，富平縣產一角神羊，肉角當頂，白毛，議者以爲獬廌。

香髦文狸，卽類也。○本草有靈貓，自爲牝牡，其陰如麝，異物志



亦云云。段成式言香狸有四外腎。犬理香貓如狸。文如豹。卽楚辭文狸。王逸注爲神狸者也。南山經皆言宜爰之山有獸曰類。自爲牝牡。莊列取之。東璧合爲一物。是也。升菴言雲南蒙化府有此獸。曰香髦。今之野貓卽狸。則此可知矣。瑤星言兩類。曰臂類。曰奇類。卽羅願所載者也。智按臂卽臂字。十八宿眞形圖。心房二宿皆具兩體。天下何事不有。而誕者附會腐儒不信。俱可一咲。

蒙頌。活耨地捕鼠者也。○蒙頌。又雌之小者。紫黑色。能捕鼠。或作蒙賁。蒙賁。廣志曰。獾獾有黑白黃者。暹羅最良。捕鼠百捷于家貓。貓一名銜蟬。見拾遺記。韻府。貓一名烏員。唐書波斯伊嗣



侯遣使獻活耨地形類鼠青色長八九寸能入鼠穴取鼠物類志曰耨地溫公之義貓曰鼯或溫公名之也

社君鼠也白者曰仲能黃者曰沙鼠曰鼯狸○抱朴子鼠百歲則色白曰仲能善憑人而卜雲仙雜志山中謂社君嗣宗曰又有票鼠其毫可製筆沙鼠今之黃鼠也陳無功引詩語刀約使契丹詩密賜一鼯狸如鼠而大北敵以爲珍又曰令邦東璧謂卽黃鼠甚確陳水南亦以爲黃鼠而澠水言肥脂今訛爲豚故人以爲疑耳岑南篠人食密啣卽嫩鼠也東坡詩曰朝盤見密啣夜枕聞鼯鵲方言宛野謂鼠爲鼯音宛南陽也音宛鼯鼯爲飛生鼯鼠爲拱鼠非一物也○說文誤以爲鼯鼠五技



而窮故張揖廣雅崔豹古今注遂曰螻蛄一名碩鼠邢昺亦謂  
蔡邕合之而後人遂以鼯鼯爲一物智按爾雅鼯鼠爲鼠屬於  
鳥篇又曰鼯鼠夷由則非一物明矣陸璣于相鼠疏曰河東大  
鼠能人大交前兩足于頸或曰卽雀鼠或曰鼯狸卽今黃鼠稱  
珍味者時珍又分碩鼠爲鼯鼠蜀人所呼鼯肉翅蝙蝠翅尾頂  
脅毛紫赤色背上蒼艾色腹下黃喙領雜白腳短長尾三尺許  
飛且乳亦曰飛生鼠聲如人呼食火烟此其蝙蝠之大者乎飛  
生鼠一名鼯所謂能飛不能過屋能緣不能窮木能游不能渡  
谷能穴不能掩身能走不能先人五技而窮者一曰夷由謂其  
能以高赴下不能從下上高故夷由也今人以徘徊未沒爲夷



猶馮嗣宗亦誤以五技鼠爲鼯。

鼯鼯鼠郎也。○太平御覽有鼠郎。邢昺以鼯爲鼠狼。凡夫曰夏小正有鼯鼯。卽鼠郎也。今日狼猫。江北曰黃鼠狼。按玉篇鼯鼠頭似兔。尾有毛。黃黑色。此狀卽狼猫也。朱子注鼯鼠。但以大訓之。蜀圖經所云虎鼠。卽鼯鼠。則刺猬也。猬一作彙。一名蝟鼠。談藪言虎居艸者。畏木上有趨鼠也。趨鼯一聲。鼯省爲鼯。音豹。道昭音灼。非。此爾雅之豹文鼯也。

婁。比肩之類。○異物志南方有飛頭蠻。夜以耳爲翼。飛去食物。將曉而還。搜神記。吳將軍朱桓一婢。頭能夜飛。韓詩外傳。婁。食而更視。不相得。不能飽。其爾雅之比肩民乎。山海經云三首。



國一身三首。在崑侖東。周致中異物志載三身國在鑿齒國東。一臂國在西海之北。半體比肩。又有一目國在北海外。天中記引外國圖言男女同頸異頭。其身四足。曰蒙雙民。乾坤怪未了也。太西言無海錄襍事曰。嶺南有一足反踵者。雄曰山丈。雌曰山姑。夜扣人門。此自一獸。

又有似人者曰前兒。曰在子。○前兒似猴。聲似小兒。在子鼈身人首。炙之以藿。則鳴曰在子。鬱林博白山中。有似鼈而首有毛。能殺人。或卽此物乎。聞之甯孝廉之客。

白與卽白澤獸。○見石鼓詩。用修受學于李文正公者。言與爲澤。軒轅紀帝登桓山于海濱。得白澤神獸能言。因問天下鬼神。



之事。令寫爲圖。作祝邪之文以祝之。元世祖遇角觴。楚材云是白澤能言者。人語而彼應之。似解言者。因以爲識。軒轅記。溢言耳。集韻澤或作臭。乃臭字之譌。郭璞云角觴似豬。角在鼻上。李陵以角端弓。十遺蘇武。唐詩海照角端弓是也。

獬即獬。或曰犄狎。

○獬

音駢

獬類也。又作獬。淮南子曰。畜池魚者。

必去獬獬。莊子曰。後獬獬以爲雌。言非類爲牝牡也。獬獬。獬獬之譌也。獬獬一物。鄧潛谷曰。一種曰獬獬。大頭如馬。身如蝙蝠。升菴言犄狎以獬爲雌。即獬獬也。范成大虞衡志。有山獬。一名獬。性淫。聞牝不得。則次木石而入。

紅瑪瑙茸。鹿茸之上者也。鹿陽麋陰。分男女用之泥矣。○骨之



速長而堅。無如鹿麋。不過兩月。重二十斤。如茄子茸。長數寸。有力。破之。肌如朽木。茸端如馬瑙。紅玉者佳。存中曰。北方有麋麋。麋。麋。麋。極大。而色蒼。鹿黃。而無斑。茸俱可用。時珍從東坡鹿補陽。麋補陰之說。王勉夫。楸以麋茸補陽。利男子。鹿茸補陰。利婦人。蓋月令。仲夏鹿角解。仲冬麋角解。鹿肉煖。麋肉寒。以陽爲體者。以陰爲末。末者角也。元美弱侯王此說。智按。所謂補陽補陰。非必分男女也。男子自有陰陽。大約麋鹿皆補血。麋角取其滋陽耳。熱則俱熱。用鹿角者。同類相益也。相體稟用之。有飲鹿血。鼻出血者。

鬣屯。鬣。鬣。牛狀也。水牛亦名州留。○淮南子。鬣屯。鬣。音坤。



豚科。滂言其狀醜也。州留老牛名。古人駕牛皆有名號。如王濟賭八百里駿。荀晞千里牛。西豐駱樂山鳥之類。州竅也。爾雅馬白州驥。州留者。色如驢也。鬱林異物志。州留水牛。而角若擔茅。與虎爲仇。柯古言句漏潛牛。卽州留也。廣志言州留項上肉大如斗。金樓子西符有牛曰白及。伯樂相馬亦言白州。升菴言山海經侖山之熊。其川在尾上。郭注川竅也。然則州當是川字。攔求子牛也。○廣雅作攔。求子牛。集韻作攔。一曰騰。獲也。月令累牛騰馬。累與攔通。今注乃云累係之牛。騰躍之馬。使遊牝于牧。則未見攔字也。

參狝特牯。○本草喜犍牛肉。急就章參狝特牯。參。三歲牛也。一



曰長脊牛。慘音蘇含反。犛音貝。犝音界。特舜典用特。一牛也。說文牝特牛也。世說云千斤犝特。犝劇牛也。以刀去牛勢亦作犝。莊子曰任公子五十犝以爲餌。郭音卦。徐音界。說文云駟牛也。犝音貝。字應從犝。相牛經曰璧堂欲闊。蘭株欲大。陽鹽欲得廣。陽鹽夾尾前兩腓上也。璧堂腳股間也。羅願列名甚多。如雜毛曰犝犝之類。小者每牛。呂覽隨兕也。

毛犀卽羴牛。○爾雅言摩牛。山海經之牝牛也。西人呼爲竹牛。

羴或作羴。音厘升羴曰毛犀。卽豕也。古人謂之貓豬。交廣謂之豬

神。或曰旄牛小而羴牛大。一種也。尾毛可爲飾。顏師古曰旄牛

卽犝。音偏葉盛水東日記云毛牛與封牛合則生犝牛。



人大耳。

八駿之名各異。驎或作𩇑。𩇑或作𩇒。義或作儀。灤或作𩇓。俄或作𩇔。驥或作  
𩇕。𩇖。○玉海引穆天子傳。癸酉命駕八駿之乘。右服𩇑。𩇒而  
左。𩇓耳。右驂赤龍而左白儀。造父爲御。𩇗爲右。次車之乘。右  
服渠黃而左踰輪。右驂盜驪而左山子。參伯爲御。奔戎爲右。筆  
叢引驎作𩇑。驥作𩇒。白義作白儀。列子曰。右服𩇑口而左綠耳。  
右驂赤驥而左白灤。造父爲御。𩇗爲右。次車右渠黃而左踰



輪左驂盜驪而右山子。柏天主車。參百爲右。博物志載八駿爲  
赤驥。飛黃。白蟻。驎驄。騄耳。騊駼。渠黃。盜驪。王子季八駿曰絕地。  
翻羽。奔霄。超影。踰輝。飛光。騰霧。挾翼。趙與。昔引八駿與博物志  
同。惟騊駼作踰輪。何其參差也。滌古義字。升菴曰古犧字。商周  
王伯厚音秦丙。當是秦丙。誕生音齊合。屠赤水作啓角。范攄雲  
淡友議載乃方啓角。無功曰列子本傳赤驥作龍。滌作儀。嗣今  
字彙作嗣。本升菴也。蓋卽古驎字。韻會引列子作騊應是訛耳。  
山子一作岫子。升菴云今之叱撥。玉抱肚也。張睿甫曰。嗣字下  
似缺驪字。升菴遂以服嗣爲驎驄誤字。劉氏音義曰盜驪竊驪  
也。一作溫驪。荀子作纖離。竊淺青色。驪純黑色。爾雅疏謂竊卽



古淺字。竊脂竊玄竊黃之類。皆指色也。纖亦借淺音。竊脂別有說。

今之戴星馬。卽古所云白顛的。顛阜上也。○覲禮曰。奉束帛匹馬阜上。九馬隨之。一曰的盧。蜀志昭烈乘的盧渡檀溪。相馬經。白額入口者。榆雁曰的盧。準上有旋毛曰的吻。皆不宜乘。潛谷以莊子月題卽的盧。智按莊子齊之以月題。而後知介倪闔阮。似是轡當面之飾。潛谷誤矣。清波雜志曰。碧雲駮。廐馬旋毛也。碧如霞如雲。然貴而不掩旋毛之醜。魏泰駕言梅聖俞借此名書。

馬名各異。○追風。白兔。躡影。追電。飛翺。銅爵。晨鳧。始皇七馬也。



浮雲赤電絕羣逸驃紫熒驕綠螭駟龍子驕駒絕塵漢文九馬

也

見西京雜記

齧膝乘旦

見王褒頌綠虵

見顏延之牝

靡

趙津女媚對簡子曰湯右驂牝

靡

駁龍紫鹿文的躡奭

見陳琳或庫賊

啓服

左傳衛侯夾轅馬

肅爽

唐成公如楚有兩肅

爽

蒲梢

漢或大宛天馬

浚波駿

西陽雜俎骨利幹國馬

皎雲駘飛霞標翔麟紫奔

虹

唐太宗駿也

拳毛騶什代赤白蹄烏特特勳驃楓路紫青騅

殷仲容贊

太宗

玉花驄照夜白

杜甫詩

九花虬翠雲虬

唐代宗後以九花虬賜郭子儀

黃芝

李白馬名見

叱撥

天寶中大一匹

丈烏

梁大祖愛馬賜溫彥卿

玉逍遙

宋仁宗御

馬名見邵

荏鐵

馬經驄之別名

鐵獺

梅聖俞之馬名

飛越峯

真史洪武四年貴州夷翠靄進水西

之瑞穎

正統四年撒馬兒罕進名馬賜名

玉麟飛白玉馴碧玉橋照夜壁銀河

練瑤池駿飛雲白

嘉靖十二年召張孚敬等演馬因紀其名

名在人取不可勝紀



嚙啍閭渠狀馬子也○晉惠時謠城東馬子莫嚙啍比至來李  
纏汝髮永元童謠野猪雖嗃嗃馬子空閭渠

馬懷孕曰重馬○劉屈氂傳重馬傷耗師古曰重謂馬懷孕者  
也

駮茲白○王會曰義渠以茲白白馬鋸牙食虎豹卽山海經之  
駮齊桓乘駮馬管仲言及是已

飛黃訾黃翠黃乘黃吉量古皇吉光吉黃一物○白民乘黃犬  
戎吉皇似騏有兩角漢郊祀歌有訾黃注一名乘黃黃帝乘之  
而仙封禪書翠黃孟康曰翠黃乘黃也又名紫黃淮南子曰飛  
黃服皂注乘飛黃壽三千歲吉量者山海經犬戎文馬目若黃



金曰吉量乘之壽千歲注六韜以此爲雞斯之乘大傳作吉光  
一作古皇

驂馱驢之子也似驢之奇獸曰閭曰福祿曰颺○伯厚曰馱唐佐

反能馱負也古今注曰驢牝馬牡則生羸霍去病傳單于乘六

羸漢書西域傳龜茲王學漢儀制湖人曰驢非驢馬非馬龜茲

王所謂羸也南史言王子敬書如騎驛駸駸欲度驂騑明皇乘

騾入蜀見坡詩注馱本作佗趙充國傳一馬自佗子元引釋常

談稱驢爲衛子崔豹曰驢牡馬牝則生騶韓道昭收騎騶騾屬

騶卽騶東璧曰牡馬交驢生馱騶牡驢交牛生馱音叱陌牡

牛交驢生騎蒙牡牛交馬生馱驢牡驢交馬生騾虞昏禮有受



福祿獸具體心慈其形未聞一統志忽魯謨斯國產福祿似驢而花文可愛儀禮卿射于郊則閭中注獸如驢一角又曰皮掛似驢王會北唐以閭閭似踰冠山海經縣雍之山其獸多閭注閭卽踰也似驢而岐蹄角如羴羊爾雅貍秦人謂之小驢注曰似鼠而馬蹄一歲千斤

蘭子豚也豕豚也○何承天纂文云梁州曰獬

音攝

齊徐以小豬

爲獬

音鋤

東璧曰青兗徐淮者耳大獬翼者皮厚梁雍者足短遼

東者頭白嶺南者花白多生江南者耳小曰江猪孟詵曰白猪花猪黃臚者不可食湧幢小品曰豕張腹而臧畢露者也升菴謂爲貓猪說文豨音異修毫獸丁度作豨曰河內豕也崔豹古



今注謂豕爲參軍。雲仙雜志曰：黑面卽列子曰：牢有欄子。張湛注曰：凡物不知生之主謂之蘭。以肉言則豚爲全體，爻爲分體。智按古遜作豕，豕卽豚也。詳見疑始。合溪以豕卽亥，升菴以豕音希。豕豨豨豨一聲，豕豚一聲。見襍說中。

麕羊，九尾羊也。○說文麕，山羊也。山海經作羝，角以細，感節挂痕爲眞，眞白言一角，而藏器非之。山羊，山驢，鈴羊相似。寰宇志實載有一角者，爲眞鈴羊。二角不感節者，皆山羊，所謂獬羊覓音桓羊之類。說文曰：細角者山驢，則王會儀禮之所謂間也。廣西多山羊，血治跌傷，能起死回生。

羊名羶根，殺羶，黑夏羊也。○仇池筆記曰：王中令賦蒸豚詩，若



把羶根來比灶。羶根自合喫藤條。羶根羊也。亦名卷婁。見莊子。  
陳無功取之。智按莊故寓言。然詳上文卷婁非羊名。蓋盛羊肉  
之器。猶聚饌也。若舊解拘攣。則俚語耳。爾雅夏羊牡羶。音牝殺。  
音注牡羶黑羶也。今以牝殺爲白黑羊。名疏云白牝牝。黑牝殺。  
焦光歌本爲殺牝羊。夏殺殺羶。言無白黑。今東璧以殺爲牡。豈  
爾雅誤乎。古今異稱乎。葉盛水東日記。莊浪衛近雪山有饕羊。  
土人歲取其脂。不久復滿。郭義恭廣志云。西域驢羊。今洮羊重  
百斤是也。此羊羊皮蹄可以割黍。又有地生羊。姚桐壽樂郊私  
語。言楚石禪師詩。自言羊可種。不信繭成絲。嘗以爲疑。後見吳  
大夫有西域種羊皮書褥歌。劉有出使西域記。信以羊臍種。聞



雷生臍驚以水聲。臍乃斷。至秋可食。臍內復有種。名瓏種羊。段公路北戶錄言。大秦國地生羊。臍與地連。走馬擊鼓。以驚絕之。吳策淵穎集言。以脛骨種。可信物理。猶今以火灰伏鴨卵。飯合稗。累日掩土而種。蟲飼雞也。大尾羊。卽靈羊。細毛薄皮。西藩以爲紙。杭州以作燈。

逵名獐子。○刊繆正俗曰。呂忱字林。獐。未辟羊也。今言小羊爲旋子者。訛。當言獐子也。逵亦小羊。詩先生如逵。

狗一名重工。一名嚮。○重工見穆天子傳。說苑客謂孟嘗君曰。周氏之嚮。天下之疾狗也。石藥爾雅。白狗膽一名瓠汁。耳上血曰白龍柒。蓋以槃瓠爲狗名。故稱瓠汁耳。殷虞晉葵。楚黃。韓盧。



宋狻猊狐狂獫狁犬屬見廣雅呂覽曰楚文王殺茹黃之狗凡夫但引渚宮故事之茹黃而不知其早載呂覽也卞彬禽獸沒錄載狗名黑龍卽搜神後記張然之犬郎瑛所云烏龐也又張平狗名飛堯若驢南史張彪犬名倉黃猶士衡之黃耳華隆之的尾以色爲名不足異也劉貢父以黃耳爲僕名干寶言懷瑾張懋聞地下之犬卽尸子所云地狼夏鼎志所云賈也又云猥國獸竊女生子送還家皆姓楊水經注孤獨母有犬曰鵠倉卽徐偃王則與盤瓠同駭矣以劉宋元嘉孟慧度婢蠻之事及明帝時交三日不離者則盤瓠與高昌之牝狼何怪焉

寶犬卽贗又有狡犬有鼪犬異獸似犬者生生禍斗兩貴○通



典大秦國有贛。出西海。有養者似狗。智按爾雅贛注。西海大秦犬有養者。則贛卽贛之訛也。音鉉。杜八哀詩。贈蕨源明。不惡懸黃金。胡爲投乳贛。注音犬。出大秦國。今從舶來。西洋犬多。皆曰獒。有極獠者。贛類也。王會壯漠狡犬。渠叟鮑犬。都郭生生欺羽。生生如黃狗。鮑犬卽山海經馬成山之露犬。如白犬而黑頭者。能逐虎。王融曲水序。用純牛露犬是也。太平廣記。禍斗如犬。食火糞亦爲火。能燒人屋。白澤圖。臺屋之精曰兩貴。狀如赤狗。見而以其名呼之。使人目明。

兀兒鼠。本周兒雀。卽同穴之鳥鼠也。○甘肅志涼州地有兀兒鼠者。似鼠尾。若贅疣。有鳥曰本周兒者。似雀。色灰白。常與兀兒



鼠同穴而處。郭璞注爾雅。鼯如人家鼠而短尾。餘似鷄而小。黃  
黑色。突入地三四尺。鼠內。鳥外。在隴西首陽縣。孔傳云。其爲雌  
雄。張氏地理記云。不爲牝牡。渙仲曰。首陽在今熙州渭源。貴與  
曰。在渭州。曰。青雀山。今渭源縣。屬臨洮府。有鳥鼠山。

物之白者。時有其種。不必異也。○顧遜園曰。癸丑見京口徐氏  
白兔。雪毛赤眼。云得之天台洞中。有猿鸚鵡穿山甲蜈蚣皆白。  
石埭金都閩家有白猿。似習禪定者。余家淮水飲虹橋河房有  
白鼠。白物不必長季。不必瑞。自有此種。顧公知之。何又信天台  
洞之五白物邪。崇禎初。白兔自外舶來。直百金。後漸多。甚賤。姚  
有僕南海署中。畜白兔。每月生子。亦非吐出。時爲黃狸攫去。墨



客揮犀言雀出殼時以蜜和飯飼之卽白後漢方儲以孝致白兔金哀宗時邠州進白兔柯古以爲瑞而今日忽多邪

牝畜爲草○何煥泉曰俗以牝畜爲草如草狗之類其言有自晉郭欽謂魏杜畿課民畜犝牛草馬宋絲曰李君有國士之分家有駟草馬生白鶴駒此其時也

鳥獸之身多名各以意稱之或方言也○鳥背曰喙曰喙爪曰距尾曰翠一作驛一名尾翬內則舒雁翠脰脰曰與禮不食鵠與隴爲亢爲員官猥爲喙翅爲翮翎春秋傳害鳥帑注鳥尾曰帑疑是鳥雛鳥腳短者多伏腳長者多大腳近翠者好步腳近臆者好躑翼右掩左者雄左掩右者雌又糞尖者雄圓者雌山



禽味短而銳。水禽味短而圓。山禽尾多修。水禽尾多促。陸鳥曰栖。水鳥曰宿。獨鳥曰止。衆鳥曰集。朝鳴曰嘲。夜鳴曰咳。鷄白蠹。肥脂雌鷄之生腸也。雄鷄矢乃有白。按神農本經作白臺。謂鷄子白之凝者。一名父公臺。藏器以爲橐。時珍以爲蠹。鴨有肫衣。雁頸曰殊。禮樂志赤雁集六分員。殊翁襍五采文。孟康曰殊雁頸也。此解未必當。或當時有此語。蝙蝠矢曰夜明砂。神農本經曰鼠法。鵠子兩翅各有複翎。左名掠風。右名掠草。凡走獸及牛馬諸畜肝膽之間有肉囊累累多至升許。大者如鷄子。曰鮓荅。陶九成輟耕錄言之。京房易占曰兵強主成則牛腹生石。生于癩犬腹中則爲狗寶。熊太古翼越集曰馬有墨在腎。牛有黃在



膽。狗有寶鹿有玉。鵠亦有玉。丑寶牛黃也。牛項垂曰胡。蹄肉曰  
韋。百葉曰脰。又曰析。見周禮。角胎曰腮。玉篇曰牛拳。音曰撈。腹  
草未化曰聖。蠶矢曰洞。說文脰。牛百葉也。服虔曰有角曰脰。無  
角曰肚。一曰胄之厚肉。俗曰肚。脰音弦。凡畜之外腎曰石子。豕  
兩腎間似脂非脂曰脰。音豕卯曰顛。畜之草積曰脰。馬矢曰通。  
猪矢曰零。呂覽曰肉之美者。旄象之約。蓋約通小。僂處也。述蕩  
之擊。高誘曰擊。蹈也。當是等。唐本草有底野迦。西郵以猪膽作  
之爲丸。赤黑色。熊膽曰白。掌曰蹠。虎有乙骨。目光入土如白石。  
曰虎魄。狼脂曰膂。蟲之鮫曰蜃。言垂腴狀之也。凡類曰醜。鼃竅  
亦曰醜。海狗之腎曰膂。膂今南方有鹿鞭。鹿外腎也。凡魚腦



骨曰魴音枕曰丁尾曰魴音抹曰鯛曰乙骨曰鰓曰刺脬曰鰾  
白又曰細飄見成式翅曰鰭曰鬣子曰魴曰鰈曰鰪曰鰻曰鰼曰鰽曰鰾  
鰾馬宦牛羯牛閹猪鰈鷄善狗淨貓







